

近代中國史料叢刊第二十六輯

沈雲龍主編

殷譜經侍郎自叙年譜

殷兆鏞撰

文海出版社印行

晉
邑
侯

一
邑
侯

齊
侯
子

子
侯

景川歲古十古子亦經譜

受業與接敬遇圖



殷譜經侍郎自定年譜

兆鏞字補金又字序伯號譜經行一吾殷氏系出澇水世居陳州東漢諫議大夫冀州刺史諱封字建之避黨禍棄官居曲阿即今丹陽爲遷潤始祖晉中軍浩樓遷丹陽墓所唐天寶末常侍公櫂奉母遷居吳郡子侑說文鑄詳馮宿譏家廟碑宋建炎間浩裔孫右武大夫秉常公諱秩扈蹕南渡自秦州遷潤之大港又遷華墅考宗譜云其先亦必山潤遷秦也長子英字永輝永輝公長子安字慶深慶深公長子立字承宗遷贛贛承宗公子定字紹先紹先公第三子萬丘領允恭公諱恂幼有大志勤稱古人從先輔洪教宗游涉臘子史德和初以步校從賈似道燕湖似道稱臣蒙古引所部忿忿去以潤當兵衝不可居嘗游新安與鎮撫周維友葺往依之遷東門外上里後名

殷家村第三子櫺字雄甫至元間治中易廉貞勸建臨溪橋夢神謂曰吾當助子是夜雷雨大作由崩石墜塊方如琢用之有餘橋上蓋屋四十餘間元翰林程文爲記鑿義井府南門曰殷公井開良平場灌田三千餘畝民歌曰良田熟民不粥達魯花赤不花立碑子二再立字均樹愛鳳字均翔自是孫曾蕃衍命名以文學守正宗光明宜自立世嗣思安全上義先繼美爲序石汀公諱正茂嘉靖丁未進士仕至南北戶部尚書南京刑部尚書平滇定寧功名尤著我吳江一支亦歛始祖允恭公後唯黃墟永師公太子光之孫宗賢始遷高淳徽州徽州宗譜皆未載自雄甫公以下派系莫攷當俟博訪

八世祖諱士喬字侍橋明歛庠生祖父未詳天啓初由歛避水至吳江縣澄湖濱隱居教授足跡罕至城市吾家舊藏王穉登先生贈公詩軸云白衣烏帽碧雲鞋不踏紅塵走六街閉戶蕭然無一事焚香禮佛與長齋其高致可

想見遺詩五律二章見松陵詩徵前編八世祖妣翁氏成豐時八世孫兆銓
於吳門市中以七百錢得殷白誠山水小幅跋云天啟四年春于游武林遇
侍橋宗兄澄湖濱適朱白明先生亦在流連數夕主人出紙索畫爰爲點筆
以識歲月宗弟自誠并記庚辰年白明作

七世祖諱子山字靜夫侍橋公長子明歛庠生黔兵之潛入新安而被戮也
當事怒甚將興巨獄公一再詣大吏白黔兵始末可疑狀雖不聽事亦旋息
嘗作楚游既隨侍橋公還澄湖濱家益落父子授徒不給炊爨公怡然曰貧
乃士之常貧而無失吾素操奚傷乎順治元年復遭兵燹退長田入籍高澗
友先生爲作梅花書屋圖晚歲杜門隱耕觀密友稀得見者著一枝草今佚
五古二章五律一章猶句數聯見松陵詩徵前編七世祖妣汝氏

六世祖諱祥甫字瑞亭靜夫公第三子國學生六世祖妣徐氏

高祖諱世成字茂賢號懷菴瑞亭公子國學生以曾孫壽彭官

贈贈通奉大夫翰林院侍讀學士加四級高祖妣史氏潘氏皆夫人

曾祖諱文遠字桂芳號古愚萬賢公次子國學生以光宗官累

贈光祿大夫 經筵講官戶部左侍郎加十級公以貿易恢基接昌門祚曾祖妣

吳氏國學生諱佑達公女陸氏處士諱來榮公女皆一品夫人

祖諱換字潤謨號竹樓古愚公長子貢生乾隆五十一年由長田遷錢澤縣

不望鐵東溪湖以光宗官累

贈光祿大夫 經筵講官戶部左侍郎加十級高祖妣周氏國學生諱虬龍公女一

品夫人竹樓公善書臂力絕倫偕周夫人創造經營恢宏堂構督課先伯父

先考先本生考病中屬徐球繪傳經岡洪權存先生篆首並跋乾嘉以來名

流題詠甚富牛牘大卷鑄於咸豐庚申之亂陸鶴齋丈後撰公墓志言公脩

眉長爪湛然澄靜蒐求古書不計值喜靖節詩柳州小記寒暑必手一編作齊臨臥鴻堂渤海藏真晨起微浴古硯數事曰鵠眼曰翠羽皆所寶貴也自誠錦云日耘日耔斤斤獨抱曰德曰才精鄭以老卒前三日侍疾者晝見高祖方抱頸脣園人導從數十向公指疾遂卒

考諱垣字衡庭號東深竹樓公次子國學生卒年二十二歲以光緒官累贈光祿大夫經筵講官戶部左侍郎加十級妣李氏震澤庠生樸園公鶴飛女一品夫人

本生考諱增字衡庭號東深竹樓公第三子貢生以光緒官累

贈光祿大夫經筵講官戶部左侍郎加十級本生妣趙氏國學生丙林公不省女一品夫人東漢公五歲誦唐人絕句卽解四聲十五歲詠婢五言爲時所稱因病疾後廢學從舊作詩好游名山水工寫花鳥家有宜雨樓藏書萬帙

手自校讎以疑義質者必與攷訂詳明吳震人鮑漾飲廷博張鱠江士元錢
甫諸先生每來借觀大開吟社有座上客常滿樽中酒不空氣象潘稼堂先
生遂初堂集刻板散佚爲補刊行世中年後患怔忡著述隨手失去輯松陵
詩徵前編續編見蘇州府縣志吳江縣志文苑傳孤鴻編詩四卷雜文及歷代
年號致人沒譜載府縣志藝文類事先祖妣周夫人孝年四十猶依依膝下
如孩提撫先伯父遺孤待族黨故舊有恩誼爲人排難解紛視如己事嘉慶
甲子邑大饑鄉民賣妻鬻子賴公保全不少

嘉慶十一年丙寅十月一日戌時生於平望鎮東溪湖時繼曾祖妣陸
夫人居長洲年六十一歲祖妣周夫人年五十四歲妣李夫人年二十九歲
本生考東溪公年二十五歲本生妣趙夫人年二十二歲大姊年三歲
十二年丁卯二歲

十三年戊辰三歲三月十五日先祖竹樓公葬吳江縣東城墟四月四日辰時
先妣李夫人卒距生乾隆四十三年正月九日戌時年三十一歲先祖妣周
夫人痛先考妣之亡鞠躬於靈柩中出人起居必偕疾瘳則撫摩喟嘆課以
讖字諱齊有過則笞撻不少設期頃清至八月二十五日父棣香公諱大
壇卒靈澤庠生以光緒官

贈贈光祿大夫經筵講官吏部右侍郎加八級伯母柳氏一品夫人遺腹二式
弟名兆鈞側室

欽旌節孝李孺人出

十四年己巳四歲二月十八日二妹生四月本生考喪遷公脩祭海門丈趙竹
安男氏濬武林著武林游草

十五年庚午五歲歲朝立春是年舊曆閏三月演義安加護齡本生考喪遷公

見而資之與講小學諸書

十六年辛未六歲倅入塾受業於沈樸亭先生兆林吳江庠生

十七年壬申七歲讀論語注問景公又多內嬖而不立太子是猶豫未定鄭卿已有所廢置耶公子遂殺子赤遂字人名耶語助詞耶先生喜舉左傳告之白後好竊窺左傳東漢公燕客曲政隅坐客以松圖雪命對余廳曰草上風又命以清風徐來廳曰明月高照是年遂齋叔壽入泮

十八年癸酉八歲二式弟入塾夏東漢公過疾危其談投醫藥缺新錢城隙廟得大命終矣祭若何何拗哭公屢絕復甦自言魂已出門若被白纓翁喚回看遍醫藥以雪水送漸愈

十九年甲戌九歲夏大旱地生毛冬倚東漢公屨東城塲祖塋公歸舟即景云野水夕陽人喚渡缺以寒煙古木鳥爭噪對東城塲一名鴨頭澗祖塋艮山

坤向翁賓中三分先伯父檢香公殯祖塋西阡先考妣趙田公妻夫人殯黃

楊演

二十年乙亥十歲學作五七言詩

二十一年丙子十一歲自庚午秋至是年冬讀千字文孝經夏小正爾雅四子書詩書易禮記周禮儀禮左傳唐詩三百首始讀制誥學作破承題起講東溪公命於正課外兼讀柳文知錄昭明文選先是同邑袁叔村明經輯松陵詩徵斷自

國初及乾隆間東溪公稽攷搜羅溯六朝迄明季爲前編十二卷是年刻竣吳殺人石琢堂陳笠帆諸先生序之復采樸村以後至今之詩爲續編未刊十

二月二十五日卯時二弟兆銓字仲南號遜之生

二十二年丁丑十二歲自辛未至丙子皆受業於樸亭先生是年受業於唐味

竹先生以吳江庠生湛深經術子梅溪廷榮來同學余作制藝完篇先生
節子家三年是春三妹四妹相繼歿

二十三年戊寅十三歲春應震澤縣試夏府試冬院試皆往崑山是年五月十一日時三弟兆衡字叔水生十一月東溪公偶患牙齦夜稍稍不能寐尋
愈

二十四年己卯十四歲時漕糧交納甚苦東溪公以積勞牙齦大作病中猶輯
松陵賦徵五月補刊潘稼堂先生遂初堂集從張丈鍼甫處借鈔王信伯先
生集八卷爲如臥梨里蔡氏庚午舉人太常寺博士竹溪公其次女先是沈
木菴丈來書塾見余文携示竹溪公送緋綬焉適庭中有同心蘭花重房蓮
子之瑞冬屬縣府試自丁丑迄今予識公穀國語國策史記兩漢書唐宋八
大家舉始因貢治通假嘗夜誦書先生已就寢有人歷樓梯而上趨觀化一

大白鳥撲入以物擊之即滅告周夫入驚以爲凶然也卒無他異

二十五年庚辰十五歲受業於趙海香先生

故鄉

吳江庠生館予家三十三載

是春臨院試七月二十五日

仁宗將皇帝升遐冬從吳門錢看雲先生安乃學字致以由醴泉銘皇甫君碑入手時有拂宋搨醴泉銘求售點畫較近本稍肥王廩舟吏部程竹齋太史張雲山大令題跋缺字皆處舟粉筆填補索價甚昂後歸同川范氏又見吾里王氏宋搨懷仁聖教序楊大瓢山人跋有千金易得此寶難求云云楷經落水紙墨塗壞

道光元年辛巳十六歲王品南延英來同學選之弟入塾存東溪公挈顧應縣試馮丈柳東太史登府過吾家見試作賞之以所著種芸詞見贈自是界解倚聲心折隱書亭西分館二家四月朔日月合璧五星聯珠是夏與里中王

友杉其言沈蓮溪清吳斗查唐星山潛如諸君結文會祖妣周夫人東溪公命在家塾遙應不許出外徵途也五月十七日東溪公四十生辰親朋稱祝秋府試冬院試時學使考童生古學牛角挂書賦余素未作賦不與試於寓齋私構一篇海香先生以語東溪公命讀六朝唐宋及

本朝館閣賦學製焉述齋叔是冬補廩比年大疫公虔施藥餌老友沈松坡丈亡無子爲營葬事

二年壬午十七歲春蕭城吳氏出售金石碑版數條囑看雲先生定價竊與觀焉時東溪公與里人王議復文昌閣未果二月邀先生游孫氏別墅賞菜花有與雲固然來不速聯四五句並侍往三月公偕王黻堂丈趙靜香竹安兩舅氏游吳門歸葺宅北小閣顏曰寄雲四月六日公夜夢人戒勿見客見則有禍次年江城徐北海季海過訪留與看雲先生酣飲宵分就寢八日卯

刻公陡患癥湧先本生妣趙夫人而聲趨視已不能語遂卒距生乾隆四十七年五月十七日申時年四十一歲殯鴨頭灣祖塋西阡郭頻伽張鱗江兩先生撰墓志銘哀辭先是公自製輓聯云偶潤紅塵短夢恩恩沉蠟翅難述白髮長愁脈脈愧烏私又云休提第宅田園到此日撤手免去本屬空花莫念妻孥朋友從今後兩眼相看都成陌路卒前一日作寄雲閣記有今古無常人生如寄等語五月九日遣服五妹生六七月間先祖妣周夫人處置未了事爲諸孫析產圖畫井井甫畢即病悉解醫藥曰吾三子皆亡無心人世矣八月十八日申時卒距生乾隆十八年九月四日申時年七十歲半載中冉遺大故嗚呼痛哉孤露餘生外侮叢集從弟本生胞弟俱幼資在一身或勤于縵學業多偶友人作周學使觀風漢高祖置酒沛宮擊筑歌大風賦謝太傅出處事業論及古今體詩得邀首取追念臥夫人東溪公教督苦衷

不敢自棄嘗爲周夫人行畧今刻板及集本俱佚

三年癸未十八歲春百庭叔入泮叔水弟入塾一日張鯨江丈來余叩古文門
釋答云子可學也須熟讀史記兩漢書余問先生最尊震川震川何如答云
亦自史記漢書來夏秋江浙大水田盡淹沒震邑派余董辦荒政石西谷爲
作水灾紀事圖十六幅不肯監門繪畫或攬以獻某使林文忠公冬合之先
祖妣周夫人於鴨頭澗啟兆穴有水弗克葬殯墳屋西書房時家運頽沛相
地者爭言祖塋不吉勸遷葬余未信迨通籍後爭言大吉矣

四年甲申十九歲春委員劉別駕文徵震邑宋明府鯨江來平望勸捐助賑應
吳江縣試鄧明府元齡爲金門少宰子太賞余春蕡賦復面試紅千葉桃花
賦歎爲天才時論擬冠軍矣然未列前茅也夏府試歸與里中諸友結會課
五年乙酉二十歲春應院試三月元配蔡夫人來歸名蕙卿字紹香年十九歲

八月十三日偕往長田祝繼曾祖妣陸夫人八十壽辰觀燈禊湖冬大姊適

蘇家港朱慶石

昌黎

江城新脩 文廟

設松陵書院

金桂慶記

六年丙戌二十一歲春沈南一日高來同學南一少予二歲少負雋才工詞賦及長治古文帖括非所好也與余交最善每上下古今事成敗得失人物文章優劣夜分不休或至翻譜聞者竊笑三月應縣試四月府試九月院試接家書聞蘇夫人晚雖飛櫂歸所生女不育疾已亟十月五日辰時卒距生嘉慶十二年四月八日辰時年二十歲本生妣趙夫人生命仍往應試學使吏部右侍郎萬載辛筠谷先生_{並益}正場文題此有人有人而注之江詩題白松顛老豚得稊字人蘇州府學第十六名覆試頭題且志曰宋代詩題白雲初晴得時字是多余有悼亡詩七絕百首後佚僅記上食并無小婢在閑隨脫有頌敘存二語

七年丁亥二十二歲春殯蔡夫人於鴨頭灣祖塋東阡夏與里中諸友結會課
閱卷者震邑孫翹生明府枝秀冬繼配徐夫人來歸年二十三歲候選鹽運
司運判由德清遷嘉興竹齋公懋學第五女科試經古場賦題畫者謹髮而
易貌以銳精細巧必臻體統爲韻詩題白菊爲霜翻帶紫得霜字學使辛筠
谷先生極賞余賦以詩未完取蘇州府學第二名正案列一等第十六名補
廩膳生

八年戊子二十三歲春竹安舅氏吳瘦山丈游靈岩寫磯天平支硎寒山歸作
學使內閣學士海鹽朱虹舫先生方增觀風卷取超等一名秋偕王西山赴
金陵述齋叔取優貢第一名

九年己丑二十四歲二月歲試列二等從叔母黃氏素有痼疾是冬鬻產償賦
尋自縊無子其弟受人主使誣余指織醜命震邑孫翹生明府斷令兆衡弟

嗣繼奉趙夫人寓江城月餘次年劉司馬治來櫟裏訊詳銷案兆衝遂嗣階
三叔墀後

十年庚寅二十五歲春應紫陽書院外課中丞陶文毅公歷取超等院長石床
堂先生尤賞余夾竹桃賦謁見爲言近代詩家暨科場風尚得失贈以檄聯
詩茲題先輯竹樓公傳經圖云文孫守家學曷志先勵四月與張子謙沈
南一郡城晤叙有茶寮話雨圖紀事南一作蘇信兩生行五月侍趙夫人至
吳門送竹安羽氏之官西蜀余與刺史鐵崖司馬張吟樓別駕徐江帆明經
靜香羽氏餞諸山塘留仙閣鑑崖首唱七律同人和韻酒罷游孫武子白公
祠九月科試列一等第十名偕朱酉生及陳月培均訪王丈椒畦孝廉舉清

易齋軒以報紙乞畫

十一年辛卯二十六歲三月二妹適梅壘王雲翠之第時程梓庭中丞辨日面

試紫陽正誼書院士余與吳崧甫孝廉鍾麟默寫十三經見賞五月薦脰湖

張水嬉親友咸集秋金陵大水改九月應鄉試歸家知是月十五日卯時長女憶謙生徐夫人素有咯血症賴年小產至是病痼十月五日己時卒距生嘉慶十年十二月十五日未時年二十七歲外姑江安人先一月卒祕莫使夫人知彌留猶問母病愈否遺囑以憶謙許字徐石卿子傳經次年與蔡夫人合殯鴨頭灣祖塋東阡余挽聯云倘逢前婦於九泉生同病死同月自此際風因誰解自對孺人纔四載我憤愁卿憤呻吟當時小別猶難二十九日亥時繼曾祖妣陸夫人卒於長田距生乾隆十一年八月十三日戌時年八十六歲

十二年壬辰二十七歲春歲試列三等選之弟侍趙夫人游武林余獨居夜坐宜雨樓作書燭忽滅聞遠遠若鬼嘯聲者七秋應鄉試述齋叔中式

十三年癸巳二十八歲春浙江姦杏南福建陳蓮峯兩司馬參檄采買賑米過
訪三月就歸吾善錄配程夫人名亭芳字香羣年二十歲議叙道銜候選布
政司理問素菴公學決次女四月科試學使侯官廖鉉夫先生鴻臚取蘇太
兩屬經古第六名正場以策尾

似文齋誤作雙拾列二等二十九日

孝懷成皇后升遐夏秋固脩里中諸友結會課閱卷者元和學楊紹甫廣文四之是
年述齋叔考取國子監學正學錄

十四年甲午二十九歲三月十六日本生妣趙夫人五十生辰二十一日叔冰
弟卒年十七歲未娶弟素有痼疾近感春癰醫以爲痰遂也用虎睛等藥卒
後多染此症者始知其誤夏爲程素庵外舅輯義莊規條代作碑記與里中
諸友結會課囑徐春林作煙波釣齋讀書圖余性耽涉獵采財專精經史外

殿誥經侍郎自定年譜

好涑水通鑑蘇文忠集謂

本朝諸作者學博莫如竹垞才大莫如隨園比年久困場屋讀小倉山房與孫
備之第二書有悟值親戚家作佛事觀俗僧舞花鉞不啻宜僚弄丸竊意天
下毫無情理之事尙能因熟生巧况文字耶取隆萬啓頤

國初及近時房稿閑墨閱至萬餘篇於明尤嗜金黃而項仲昭新機別譯極利
拙摩

本朝據銅三方尙已張曉樓集斯道大成詩中杜古文中韓書中魯公也名士
風流則推管絅若或問律賦何如余應之曰沂源當自蘭成唐賦規矩可循
者多宋次之時賢以有正味齋蘭脩館爲最至館閑賦猶之閑墨風會所趨
亦堪節取秋赴鄉試謁安徵學使沈鼎甫少司空下第歸益思發憤焉

十五年乙未三十歲二月殿試列前三等游馬鞍山謁岳王祠刻龍洲集三月

遷之弟娶凌氏二十二日子時次女魁孫生五月爲湖水嬉此後杜門謝客
每擣一蕊幾同長吉嘆心於近數科闈墨求其所以命中之處風雨小衝衝
燈夜誦憶及先人厚望泪交交重秋小病偕王友杉蔡嶺香赴鄉試寓秦淮
河房兩君謂余文大進然意興蕭索強出泛莫愁湖登勝槳樓游隨園頭場
文題君子不以言舉人柔遠人則四方歸之懷諸侯則天下畏之有安社稷
臣者以安社稷爲悅者也詩題江面山樓月照時得樓字榜發中式第八十
四名本房知州銜六合縣知縣海寧朱半塘先生恭座主內閣學士華陽
卓海軌先生秉諭林院編脩襄陽單地山先生以冬令葬先祖妣周夫
人於鴨頭灣啓穴無水昔年果積潦耳惟十五載辛勤撫育不及見一第悲
夫

十六年丙申三十一歲春赴會試寓賈家胡同江震會館謁海軌地山兩座師

榜發同陸愛廬仲支仙南歸過十二連橋憶張丈鱸江詩家住五湖煙水叟
却來趙北看微波東阿觀阿非拜犧王墓高郵愁露筋祠覺漁洋行人繫纜
月初墮門外野風開白蓮真絕唱也五月抵家

十七年丁酉三十二歲正月小疾謝客日臨古帖數行三月蔡竹溪徐竹窗兩
外舅先後卒夏秋間里中問業者衆選明以來詩文六朝以來律賦各二百
篇授之

十八年戊戌三十三歲正月赴會試至揚子江守風登焦山飯松寥閣流連竟
日揚州游平山堂二月十八日抵永定河大雪夜半始渡到京寓江霞會館
出場接家書是月初六日午時長子葆清生後改保源又改源榜發薦而不
售謁本房翰林院檢討鹽山孫蓮塘先生有元偕福建曾鄭薩三孝廉南旋
重九登平波臺東遷公乙亥年脩禊卷名人過往留題者夥重付裝池仍

健守借藏之

十九年己亥二十四歲聞豫行正科復思發憤下帷顧未能如乙未年解絕塵事也三月二十三日還之弟婦凌氏卒夏平望建文昌閣時裕魯山中丞檄相鄉會試擬費餽兩吳江令周某廣招告訐藉端勒罰邑驚惶震澤范明府頗效吳江所爲經余勸止事亦辦范明府自負相術謂人曰此君他日必作鐵面御史百庭叔鄉試中式

二十年庚子三十五歲正月還之弟繼娶王氏二十日赴會試至清江聞

本全成皇后升遐二月二十一日入都寓江霞會館頃場文題如琢如磨者自脩也
蓋均無首和無寡用下敬上四句詩題慎脩思永得謨字四月九日榜發中式第二十名本房福建道監察御史善化陳慶璽先生筠森座主大學士軍機大臣吳縣潘芝軒先生世恩戶部尚書軍機大臣滿州隆雲章先生文禮

都尚書仁和龔季思先生守正戶部右侍郎諸城王炳塘先生
中式八十二名亦出慶豐師房十三日

保和殿覆試子曰不憤不啓一章賦得金人示戒得言字列二等第三十五名
述齋叔一等二十一日

殿試二甲第六十二名述齋叔二甲一名讀卷大臣潘世恩芝軒湯金則教甫
祁塏竹軒廖鴻藻叔夫沈仲原馮芝升園麟魁梅谷王樵曉林諸先生
二十八日

朝考子罕言利論去貪吏厚風俗疏賦得霖雨恩賢佐得心字人選第七名述
齋叔六十一名閱卷大臣穆彰阿如新湯金則教甫廖鴻藻叔夫許乃普洪
性恩桂小山朱嶟振文陳魁梅谷王樵曉林杜受田之興徐士光辛庵諸先
生五月初七日

國朝勳功政殿引

見與述齋叔俱改翰林院庶吉士接家書四月二十四日次子保冲生六月初一日
達院大教習 大學士王定九先生降至章先生小教習孫述塘先生廳
課外與述齋叔翁築房 吳徵客 李采卿 諸同年結賦會是年
六七月間嘆夷寇邊定海鎬海失守海壘告警

二十一年辛丑三十六歲正月與沈述齋移寓米市胡同廟隆雲齋師以
參贊大臣同靖逆將軍奕公山赴廣東辦理軍務二月目疾閏三月與卓鈞
溪以李受之詩寓海淀集賢院係部院諸臣僅道公所時丁香海棠盛開聞
林清曉昔太荒蕪十六日

調明園正大光明殿散館席珍待聘賦以與治同道因不與爲韻賦得處時雨
若得霖字列一等第十七名述齋叔一等二十一日

出入賢良門引

見俱授職編脩余仍寓江震會館五月雲章師卒於廣東謚端毅接家書冲兒四月二十四日殯廟周暉也八月十日請假偕同年汪安齋庶常南歸九月進滸

關遇遜兵洶洶知

欽差大臣蘇撫裕公謙殉難甯波余回籍後閉門稱疾日侍北堂冬揚威將軍奕協

按參贊大臣文侍郎督師浙江過平望隨員陳柳平吏部招余偕行辭

之

二十二年壬寅三十七歲正月與二式還之弟排日家宴爲吾母及伯母歎此樂後不可復得矣二月五妹適平望店闈果如所震澤附貢生候選訓導四月嘆喪犯乍浦崇南船廉訪必至平望防堵暇輒過從徐石卿自秀水避亂吳門寓甫橋辟祖園小築余往信宿觀主人顧湘舟五歲元明

國朝書畫便面冊數百頁游定慧寺觀坡公像暨公書歸來辭石刻時海氣
日傾寶山上海皆陷京江繼之訛言旦夕且逼姑蘇六月朔日食晝晦秋王
友彬以所著毛詩集說相質囑爲序黎川新祀徐俟齋先生祠山民丈囑爲
記逆夷就撫南北漸通余料理家事抑定兼了詩文債蔡可階爲寫鶯湖留
別闋十月十三日拜辭堂上肝腸寸斷初不料吾廬吾里回首即化劫灰也
遷之吳嫂山丈送至許闋返陳櫛平隨揚威將軍駐紮惠山過訪焉登焦山
遇叟少尹同游飯松客閣對狂風怒浪益深去國離鄉之感寺經夷匪蹂躪
僧徒逃散僅存老衲數人言夏秋間兵燹情形慘然在日十一月十七日抵
京寓賣家胡同周應芝宅接家書是月七日寅時三女珠筆生

二十三年癸卯三十八歲正月遣僕史茂春回南接眷二月夜有白氣亘天數
旬乃滅與廢琴舫 車笠渠 馬介樵 吴仁波 甘薪圃

曹鏡侯 諸同年會課三月十日

正大光明殿太考如石投水賦以陳善閉邪謂之敬爲韻烹阿封即舉論賦得半窗殘月有聲曉得聲字列三等第七名十四日引

見述齋叔以一等二名升翰林院侍講學士五月六日

正大光明殿考差使諸大夫國人皆有所矜式故天下有道則行有枝榮賦得角黍得經字十一日引

見七月初四徙鐵廠大溝沿初六日程夫人挈兒女到京余始授源兒讀有事則內子督課閏七月蔡左香來下相應鄉試接家書前七月十二日二式弟婦吳氏卒八月

擬鄉試解題官九月充

國史館協脩脩一統志送述齋叔赴山東學政任

二十四年甲辰三十九歲正月同琴舫飼淡芸渠新圃胡春江懷莊蔡梅盦姚良菴會課三月接家書二式弟繼娶吳氏十六日爲本生妣趙夫人六十壽

辰稱賜四月百庭叔會試中式尋改庶吉士十六日

正大光明殿考差其未得之也六旬謙也者致恭以存其位者也賦得君臣一

氣中得公字二十六日

勑政殿引

見十二日

命充湖北副考官正考官爲倉少平其後改景饒前輩請沈述齋授像源讀七月

朔起程二十五日抵湖北應山境四面皆山山皆脩竹八月荆至漢陽憩學使行帳爲錢大侯故宅晉神渡江達省城關帝廟循例入閘監廳巡撫趙炳言外提調藩司朱士達外監試臬司陳功提調鹽道程煥采監試漢黃德道

殿講經侍郎自定年譜

附錄內監試候補同知王本立內牧筆署南漳縣姜國祺同考官通山縣金
寶樹應山縣李湘甲興國州陳師魯黃安縣許廢藻揀發縣福昌阿穀城縣
安慶瀾恩施縣楊松齡大挑縣梁光釗孝感縣曾維楨試用縣張中孚頭場
題令尹子文至何如天地之大也二句況居天下之廣居者乎合下一節水
繞蘆花月滿船得秋字有第八房梁令薦卷甚高淡已擬中次查刻文則首
篇係乾隆乙卯陝西元考也九月五日揭曉中式孫玉田等四十八人副榜
潘紹期等九人赴黃鵠樓公議兩次暨撫學司道諭陳敍齊廉訪贈高防山
山水軸余同案友褚大舟落魄楚中來見爲薦與陶岳鄉觀察二十日旋京
駐漢口姚雲階觀察招飲意園登四層樓出黃鵠晴川上十月經保定飲陸
立夫方伯署二十五日到京次日赴

二十七日與少平具摺覆

命同

召見勸政殿東書房

上問朕外

問出出身履歷及湖北水灾情形奏湖北連年水灾今秋較甚除宜昌施南鄖陽三府餘皆被沒臣等初到水正大該省田種棉花多稻少幸早稻五月杪晚稻七月杪已收割棉花則無及矣

上太息久之十二月安芝卿侍御奏湖北第十名舉人周崇助雙編脩馮桂芬舊

作奉

旨黜革

二十五年乙巳四十歲二月與琴舫芸渠新剛子厚會課二十八日才盛館演
春義班爲趙夫人六旬晉一稱慶四月十六夜月食既百庭叔散館授編脩

殷講經侍郎自定年譜

十六

回籍述齋叔轉翰林侍讀學士八月二十三日

召見勤政殿東書房接家書還之以縣試第一入吳江學第四徐石卿前月卒余爲作墓誌初十日

綸春闈慶

皇太后七旬萬壽

二十六年丙午四十一歲正月和芝軒相國師元日賞菊七律二月鶴溪處作會課觀宋捐醴泉銘自是逢五逢十或詩或文兩人相對爲常海帆師命也
五月六日

正大光明殿考差無爲小人儒任官惟賢才一節賦得靈雨既零得落字十一
日引

見閏五月聞竹安剪氏補龍泉巡檢未履任正月十六在成都卒爲作墓誌九月

派鄉試廢勅官十月述齋叔由山左回京接家書是月八日伯母柳夫人卒
二十七年丁未四十二歲正月述齋百庭兩叔聞竹里公訃余挽聯云五歲別
慈顏際

國恩正澤家運方新思先祖刑樹六枝惟有阿翁黃髮在元宵懷子舍纔東魯言
旋西清競東忝同朝竹林三士忍看臣叔素冠歸五月朔

正大光明殿大考遠佞賦以清問下民常厥德爲韻君子慎獨論賦得潔身浴
德得行字列二等第三十六名初八日

乾清宮引

見六月充

國史館纂脩輯長編定臣工列傳盡一凡例秋海帆師命校詩稿

二十八年戊申四十三歲四月次女魁蓀許字蒼山朱桐軒侍郎子其迨七月

殷譜經侍郎自定年譜

十七

陳慶覃給諫師卒八月充

國史館材辦總纂閣儒林傳與琴舫芸渠鏡侯作詩課

二十九年己酉四十四歲正月十七日程夫人挈憶萱瑤笙兩女回南三月充
國史館總纂輯食貨志稿貯志仍兼列傳長女是月十八日適徐傳經聞四月
九日

正大光明殿考差子曰士志於道一章閏月則闔門左扉賦得歲豐仍節儉得

仍字十二日

奉三無私殿引

見五月十日程夫人挈瑤笙到京七八月

慎德堂引

見司業講官各一次十月翰林院敬一亭觀永樂大典及明季叢殘邸服大率某

處告歸某祿顯譽獲捷謹請封號之事居多十二月

懷德堂引

見司業遠齋百艇兩叔服闌入都二十九日正陽門火十二月十一日
孝和尊皇后升遐

三十年庚戌四十五歲正月與叔遠齋崇榮兩船中丞步琉璃廠兩船以櫂聯詩
集及碑帖數種見贈十四日

宣宗成皇帝升遐三十六日

太和殿朝賀

皇上發極

天安門外臨宣

恩詔二月初二日恭送

殿講經侍郎自定年譜

梓宮由

乾清宮至

圓明園正大光明殿奉安三月

派會試磨勘官四月縉寫

孝穆成皇后香冊五月充

實錄館纂脩七月充

起居注協脩袁廉未明經授保源讀十一月

碑路經

實錄館門首隨總裁等站班十二月二十五日

派充文淵閣校理是年引

見司業二次

咸豐元年辛亥四十六歲二月偕鶴溪充

文廟分獻官先期知照寅正二刻行禮余與鶴溪寅初到已祭畢矣以遞誤

謂俸三月二十日大風沙天作赤綠黃三色四月十四日

保和殿考差樂民之樂者民亦樂其樂經題賦得濂溪樂處得焉字二十日

乾清宮引

見王春烟爲余作讀書脩史圖八月得初搨快雪堂滋蕙堂帖

寶錄館偕揚慶伯重雅余小湖聯琇沈鸞卿三編脩查臣工覆奏事件費季思大

宗伯師卒

減鄉試廢勅官十月十一月

氣過

寶錄館門首站班二天接家書十一月初七日先伯父棣香公側室節孝全攝人

殷諸紳侍郎自定年譜

卒除夕

乾清門謝

賞鹿魚雉果品是年引

見講官三次

二年壬子四十七歲二月充

實錄館紅綾正木搆辦總校述齋叔補讀學原缺三月

宣宗成皇帝梓宮奉安

慕陵恭詣行禮誌敍隨帶加一級四月充

實錄館總校十六日

保和殿考差子曰回也其心三月不違仁

忘

賦得奉三無私得宏字二十六

日

闕明園勸政殿引

見五月十一日

正大光明殿大考

正大光明殿賦以樂民之樂以和性情爲韻興治同道因不與論賦得山水有

清音得和字七言八韻列二等第二十七名十四夜月食既十九日

出入賢良門引

見賞大卷江綱袍料一疋二十一日

鶯詣

翰春園
於

大宮門外西首鋪鋪面叩頭謝

恩是日充敎習庶吉士派分薛書堂李恩長徐徵文張鼎輔許肯馮昇張洵蔡興

殿誥經侍郎欽定年譜

楷劉洪簡王楷十人七夕閣課八月五日

上御經筵赴

文淵閣侍班次日

命允順天鄉試同考官即日入閣工部尙書贊魁正考官副考官爲都察院左都

御史朱鳳標工部左侍郎呂賢基同考官十八人金國鈞張金鏞孫鼎臣沈
錫慶鮑源深沈葆楨林之望徐士穀呼延震伍肇齡何璟尹國珍沈大模何
其仁張煌袁溥蔡廣幽及也內廉監試官德金梁紹獻頭場文題子曰中
庸之爲德也一章誠者物之終始不誠無物敢問何謂浩然之氣曰難言也
詩題葉廣惟勤得脩字重九揭曉余第十六房中式張清元樊應閣李彤錫
南成烈韓炳銓馬升旭文藻杜田之王芳華邵景名裕助文郁宋豹文沈廷
琳十四人副榜檀鉉一人榜錄胡丙煊等十三人薦卷崇縉等二十二人十

月朔太陽作緒黃色十一月輯

真宗成皇帝本紀接程詩庭書是月十七日素庵外舅卒屬爲傳是年引

見講官四次司業一次

三年癸丑四十八歲二月接南一書去冬海香師卒是春覆輯

宣宗成皇帝本紀時粵匪由楚入吳由皖入豫安慶金陵揚州鎮江等處相繼失守

四月沈松岩明經授僕源讀十八日

太和殿率散館庶常謝

恩初六月色如赫初七竟日色如赫六月充

實錄館幫辦總纂兼幫畫一九月陷洛失守周應芝夫婦遇害重九遙南半載胡

同屋宇精整小有花木與蔣幼竹姚氏同居值賊犯天津

命將出師都城霞驚官民紛紛避徙有勸余僦宅西山者嚴拒之十月充

殿誥經侍員自定年譜

實錄館專辦責一仍兼總校幫總纂十一月送百庭叔南歸自正月至九月引見講官四次贊善二次十二月十三日

養心殿引

見奉

旨充著日講起居注官次日具摺謝

恩召見養心殿西書房

上屢念軍情

垂詢畿輔江南及都門時事甚詳切謹就所知實對越五六刻乃出次日
御門侍班二十九日大雪

太廟祫祭侍班

四年甲寅四十九歲正月彗星見中會二月初九日

社稷壇侍班三月十六日本生欽趙夫人七十壽辰十八日

御門侍班四月朔

太廟時享侍班充補

日講起居注官

予魯太傅大學士潘芝軒師卒謚文恭五月二十七日

方澤壇侍班遼齋叔補右庶子七月十一日

御門侍班充

咸安宮總辦自三月至七月引

見國朝二次八月作咸豐三年進呈

起居注後跋十四日

關帝廟侍班二十六日遞封奏爲地方官綏容上匯水手肆授請

飭查辦奉

寄諭江蘇巡撫將吳江令賀際雲震澤令姚銑撤任查辦嚴拏陸孝中李恒等訊

明正法等因九月保送御史感冒未考二十九日

中和殿侍班十月初八日次女魁孫適朱其煊十二日

御門補授翰林院侍講次日

上幸中海具摺謝

恩神武門外叩頭十八日

懋政殿勾到

朝審人犯侍班十一月初三日陪祀

國丘少眉表弟由蜀赴部駁看來下榻十四日

天神壇祈雪侍班接家書前月初五日申刻吾鄉湖水無風震盪忽高忽低高

至二三尺低至數寸低而復高高而復低五六次方止

五年乙卯五十歲正月初九日

太廟時享侍班三月朔

先農壇侍班李廉石副貢授葆源讀詩辭去接家書二月初一至十五等日委員周文之明府同還之吳孚卿領兵勇擒獲土匪陸孝中孝恒及其家屬黨與十數人殲斃十數人餘匪逃散官兵受傷數人勇目李芳華被戕四月朔

太和殿

閱祝版侍班十三日

保和殿考差在牀琴一曰壽二曰富賦得風泉留古韻得羊字二十一日

養心殿引

見先期賈筠堂相國奉

旨擇翰林官品學兼優者四員以補及編脩李德儀孫衣言李鴻藻保奏二十二

二十三日分起

召見養心殿西書房二十四日

上語軍機王大臣云朕看殷兆鏞是箇讀書人老成可靠

命偕孫衣言在上書房行走授惠親王之子奕詳奕誥奕謨讀二十五日具摺謝
恩養心殿叩頭進

上書房晤惇耶醇耶鍾耶孚耶總師傅筠堂相國同直朱樹軒大司農匡鵠泉

少司馬允靜軒宮詹倭良峯侍讀五月朔

賞紗袍褂料一福荷包一箇香囊四箇凡近臣

賜食物者不謝

恩賜用物者三日內候

駕出叩頭不具摺升調添卷具摺謝

恩如不

召見三日內候

駕出叩頭

命書

御選恭簡齊王徵曲水詩序四方無據至乃曉芳林一百五十六字繳進初七

上書房國學公行八詳公行九俱年七歲謨公行十年六歲十四日

御門補授翰林院侍講學士十六日

賞三等貂皮八十張六月

命書擬聯屏幅十餘件初九日

股譜經侍郎自定年譜

萬壽節

乾清宮侍班行禮二十二日

命充陝甘正考官副考官爲羅訐庭編脩嘉福是月太白經天七月朔尊

康慈皇太貴妃爲

康慈皇太后初六偕訐庭編脩啟行十二至正定聞初九日

孝靜康慈皇后升遐十三日渡滹沱河十四始入山徑攀礪難行溪流沸激用繩夫
拉轎中元節入山西平定州境自是一路多住窯洞詩所謂陶穴也二十一
日陟韓侯嶺二十九日渡黃河入陝西界潼關驛尖潼津驛宿游華嶽廟登
萬壽閣望蓮花仙掌諸峯咫尺可接八月朔華州經郭汾陽寇萊公故里初
二宿臨潼縣驪山下溫泉爲池環繞亭館殘荷未盡初三小憩灞橋想見唐
人攀條送客路雪尋詩風致抵省城行臺初六照忌辰儀注撫署大堂茶畢

入閣監臨遼撫吳振械外提調漕司司徒照外監試臬司林揚祖提調署糧道韓泰林監試鹽道饒泰內監試漢中府畢至內收掌候補縣孔憲璜同考官富平縣李燧據扶縣芮斯振即用縣陳鳴謙候補縣曹士鈞扶風縣鍾泰汧陽縣蕭爲光大姚縣黃召棠安康縣劉應祥淳化縣唐正恩大挑縣張金頭場題舉則韻舞放鄧鑑蔡毛所以序齒也邑於岐山之下居焉至從之者如歸市卽鳴黃葉漢宮秋得陽字十七日奉到

孝靜肅慈皇后遺詔車內監試收掌房考成服行禮九月初七日揭曉中式石汝瑚等七十一人副榜張鳳翥等十二人撤棘後閱邸抄述齋叔順天同考二十日起馬二十七日遇閩昌縣知卓海帆相國師是月卒諱文端十月十八至保定知十四日奉

旨取充鑄長孚郡王歲二十日涿州遇張詩船學使言六月二十日余從第二式

卒年四十八歲候選刑部司獄二十到京次日赴
闈二十四日偕訐庭具摺復

命另摺謝授讀

恩召見錄於

勤政殿後間

問試事及諸王公課畢退赴

書房孚郡王行九年十一歲十一月朔扈

蹕入城沈述齋卸署成縣來住半月餘袁澄甫孝廉授葆源讀是月

賞哈密瓜一枚水鰯魚二尾南糖一封十二月初九日

賞柿餅一封十八至二十五等日

賞福字一方江綢袍褂料一福鱗魚一尾羊一隻雞六隻挂麵十束二十八日立

春

賞硃砂朝服一張各色大幅朝簾二十張中號筆二十枝中號提筆十枝又
賞銀釦荷包一對貂皮二張手巾二方又

賞押蠶荷包五箇充

起居注總辦諸王公餽年節禮余亦各餽每歲如之端午節各以書畫扇中秋
惟總師傅荅隨

六年丙辰五十一年元旦

一大和殿侍班恭和

醉臘白筆成什七律元韻初三

食督糧柑橘柏石橘初十

齋宮侍班接次書錢徵香去職中旬往震澤覆舟故止元節赴澄懷園暫寓近

光樓下二月九日

上詣

聖人堂行禮佛等同諸王公侍班每二八月上丁及八月二十七至聖誕辰皆如之又上在大內出入

乾清門侍班亦如之故相穆鵠紡師海淀成郛直廬余甲辰楚行忤造謁極賞余考差文後歸祁春園相國今以見借二月十二移居蹊徑清曠卉木森茂是夕黑酣中得句云夢回庭院清於水朝罷衣冠蛻若仙十九

御門轉翰林院侍讀學士題惠邸受印圖恭耶囑題畫扇及孝經讀本跋三月初

六

命充會試同考官即日入閣協辦大學士工部尚書彭蘊章爲正考官副考官爲

工部尚書全慶都察院左都御史許乃普內閣學士劉岷同考十八人陸增
祥張桐貢瑛潘祖蔭毛昶熙蕭培元吳風藻邵亨豫余金垣彭瑞綱陳泰初
謝增孫衣言獎白閔衍秀金鈞郭祥瑞及備也內廉監試官爲統練王景澄
頭場文題告諸往而知來者洋洋乎發育萬物峻極於天莫如爲仁詩翹游
麟峯靈沼得靈字殿陳兩房屢見巨鬼面寒屋子甚白鬚眉皆紅二十四五
日大風卷沙天色純赤四月十日揭曉余第十八房中式譚能高魏邦達烏
拉齊崇阿陳蘊章錢鍾山銘安方炳文韓寶鴻孫彥王芳華梁炳漢何福十
二人歷踰路鴻列陳鶴周二人堂備崇綱等十六人齒容張興詩等二十四
人十二日係源聘卓文端公孫女鍾溪少宰女二十四日

乾清宮小禮唱侍班

貪明羊肉一塊二十八日

賞蓮心茶一瓶普洱茶一瓶葛布二端油紙畫扇五把繡花宮扇一把牙鎖蕉扇

一把香囊七箇香珠五串椒桂三箇椒圈二串五月朔

賞紗袍掛料一福荷包一箇香囊四箇初七眷屬由城徙園二十述叔齋放廣東

學政六月四日

勸政殿

御門侍班初九

正大光明殿慶

萬壽恭和

聖製詩辰喜雨五律元韻八月四日

賞檢次西瓜一枚中秋

賞月餅五箇蘋果六枚十七未申一刻十九酉刻飛蝗蔽空馬健齋明經授葆源

讀九月十三

命充武會試副考官正考官爲刑部尙書趙光容舫師入閣十七揭曉中式金振
魁等三十八人十月剃

賞羊肉初四

乾清宮引

見武進士侍班十六罕王生日餽余禮盒又餽孔餅每歲如之又諸王公祀神魄

肉餽糕祭

陵回餽上物每次如之十六葆源娶卓氏年十七歲時成郊宅經兩多圯遷澄懷園

東偏二十三日

聖躬遠和初愈詣

勤政殿請

殿誥經侍郎自定年譜

安二十四日

賞哈密瓜二十九日

洞明堂勾到侍班三十日詣

保和殿尊藏

宣宗成皇帝實錄十一月初八

洞明堂勾到侍班初十入城仍寓襄陽館以

實錄告成

資京錢二百千大紅杭綢十四疋十二日

恩旨遇缺提奏即行升用十二月初五

御門侍班十三江震會館公祭殉難三君陳柳平太守周應芝司馬顧星橋大令

自前月至是月

賞哈密瓜水魚柿餅臘字紅綢袍褂料羊羶掛麵荷包貂皮手巾橘柚岱羅瓜均
如舊接遺之舊家鄉始患旱蝗秋多間野鴨啄禾收成僅半平望凌吳二姓
盜劫一空十一月二十七夜吾家幾至被劫現辦圖練蘇城近日用銀不用
洋錢等語

七年丁巳五十二歲元旦

太和殿侍班初五日

蹕赴澄懷園城中因餽錢不便使洶洶攘奪幾至罷市十二日

正大光明殿侍宴坐西北隅在大臣外藩上十四日日暉五色旁有抱珥月亦
如之月中作十字紋上元節與鵲泉琴西步扇子湖隄至馬廠望西山雪色
小飲平安園而返觀樂泉及余寓雲陽菊島諸石刻未正地震十八眷屬由

城來園二月太白經天二十五日

殷諸經侍郎自定年譜

御門授大理寺少卿次日謝

恩召見三月園內土阜連夜狼嗥成郛狼食民畜雞犬居民盡白闥於牆以辟之
余所居古藤書屋蔡葛山朱石君兩相國先後居之石君有復古藤書屋記
今藤花尙存吳穀人祭酒澄懷園消夏日記五月某日移就東偏庭前衆樹
交映可忘曠景後臨曲沼成邸贈小清涼界印章因顏其室有絕句云麟岫
階上石成堆種了紅蕉種綠苔乞與小清涼界好自歸新認主人來時嘉慶
初元丙辰也余適以咸豐丙辰徙此作五律四章請憲邸補小清涼界圖恭
邸書額二王暨

兩齋同直俱有題詠碧邸又題余讀書脩史圖十三值日奏事二十八

御門僉事五月朱塔其煊考試蔭生以主事用分工部時荷花盛開賓朋文酒殆
賤虛日憶少時夢至一處鳳廊水榭萬柄夫渠有人謂余當來主此今此圖

鳳棲依稀為二十二

御門奉事與慶遠山少延尉閒步回閣見翠鳥於鋼架上長頸白羽形如鸕鷀能
人言極類秋聲其人云某王府所養來自東洋名葵花鳥余顧遠山不禁洛

陽杜鵑之感八月六日

貪麪餃粉餃乳餃赤豆屬豆各一椀翌日又

賣初九

正大光明殿慶

萬壽

上先諸

聖人堂過

前天

中天小坐累夕夢中得句甚多醒記一聯云月影穿花暗溪聲隔竹涼十二種

目

召見八月四日鶴溪少宰親家卒爲代遞遺摺二十二

御門奏事十四日

聖躬違和初愈詣

懷德堂請

安二十九日還

蹕入城同怡琴琴西寓西華門內靜默寺臘八日大理寺京察過堂是年夏秋爲
悼耶題劉松年畫李泌牛車圖趙松雪書荷珠賦東坡梅花詩爲恭耶題幽
風詠松雪四皓圖李迪江山無盡圖宋繹絲米元章字錢叔寶四時山水卷
張文敏字冊葉樣如畫玉簪花成哲親王手鈔治河圖說跋端午中秋除夕

三節立春二次及隨時

頤賞貢珍均如舊以後每歲如之

八年戊午五十三歲元旦

乾清宮朝賀十一戌刻大星自西北限光赤如電轔以白氣繚繆久之乃滅十六赴澄懷閣十九日量抱班二十六

京察引

見照例供職二月

聖製詩綱西柳當花繁處雅集應知有翰林題云暢和堂岸石維舟即景堂在綺
春園西南隅再西即澄懷閣爲兩齋房直廬故末語及之憶邸以

宣宗御書石刻全帙暨

節書補白馬賦見惠並示

殷嶽經侍郎自定年譜

養正書屋所藏南朝文山臨醴泉銘墨蹟成哲親王墨蹟長卷子背示濟歸和尙草

書詩卷瑞華道人山水冊爲悼耶題書畫禪小照及葉棟如畫繡桂花又囑

分題飲中八仙圖余得李白十七神武門內

御花園火三月李伯岷明經授僕源請接家書還之署奉賢訓導初八卯時長孫女從孫生十七

召醉鐘孚三王赴

漫心堂試射

賞鉢

命醉王賦

漫心堂即事七律鍾王五律以白居易見月連宵坐

命孚王對俱次晨邀呈孚王對云看雲竟日閒

上其事之

親書摺帖加跋示軍機大臣

澄心堂四月

賜藤花黃勅接兩一書寄示近文徵首憇親王示舊搨化度寺姚思公或恭公碑

乾隆時張若澄畫

靜明園二十八景圖時夷匪占據天津徵臺要求無厭執政力主和議惠親王
來

書房詩訪君論五月翫恭邸朗潤園圖及所作花信風詞十六通封奏摺留中
怡親王載垣鄭親王福寧見之大怒抵諸地罵曰書駢耳內軒字音義俱不
解以爲詬已也尤恨遂人告語欲甘心焉人皆爲余危余曰彼自適嗣
繼明在上何懼戊是謂始末奏聞余亦小取示人不如向由中外傳成云矣年

從年
歲辭歸一
深恐
至吳江縣
令處身
海恐爲
鬼所覺
及呢
黑聞余
至曰此我
國主所
詣不可犯
是日偕恭
親王惇郡
王大學士六
部九卿奏侍
郎銜着

英辦理天津夷務不候

諭旨招自回京擬敍監候尋

賜白盡六月初九

正大光明殿慶

萬壽二十五

御門奏事接家書南一故七月恭邸以翁森四時讀書樂詩句作五言排律三十

二章爲題四絕二十七余移家碧鮮館乞朗翁隸書碑砌山房額

派鄉試稽查接談換卷大臣八月朔

經筵聽講

賜乳茶筵席初五

上諸

聖人堂行禮畢過

前天

親御鼓射中二矢

閱書房諸王及

御前侍衛

乾清門侍衛弓箭諸達射等侍班三十七日如之保源始應京兆試及榜發

取膽錄四十四名十三欽天監奏彗星見十四日和惇耶中秋進班

特旨回家避節紀

恩七律十九

召醉鍾孚三王至

五福堂射醉王鍾王作詩孚王屬對各
質玉搬捐一

上問號醉耶以譜經對

上笑曰他近日又譜了幾部經翼日和醉耶紀

恩七律

派鄉試覆勘大臣二十二

御門奏事捕授詹事府詹事尋充

日講起居注官怡琴招飲十月十三

勦政殿問

安十四二十三

洞明堂勾到侍班科場獄與

特派璽勦順天鄉試中卷同派者全小汀

趙容舫 兆鶴泉 源沈朗亭 兆森文

百川

梁海樓 內倪

杰興 光緒共八人載垣端華陳孚恩監察三日勦

第二十六種

命二十八恩

歸入城寓靜默寺十一月詹事府脩

至聖祠落成余作碑記許仁山少牌隸書以洗馬伍忠阿保送河工

派驗看月官十二月趨惶郎奉

教畫稿十三

御門侍班十七

賜衣莊中正天保九如桂林一枝三願

殷誥經侍郎自定年譜

九年己未五十四歲元旦

太和殿侍班上元節赴澄懷園三月

派會試磨勘官接家書沈撲亭師卒十一值日

召見四月初八寅時長孫柏齡生二十六丑時第三女瑤笙卒年十八歲未字殯
海淀火神廟仙根來園下掘二十八袁午橋漕帥來余問苗沛霖果可信否

午橋云昨日

皇上召見詢及甲三請以百日保之未幾苗逆竟反五月初三

命書

御扇行拂各一柄十九子時適朱氏次女魁蓀歸省卒年二十五歲殯彰義門外

白雲觀二十

御門侍班六月初九

正大光明殿慶

萬壽十二

命著兵部左侍郎十五兵部值日奏事

召見後帶領引

見七月十六

溫鄉試搜檢大臣十九

御門奏兵部事八月二日

經筵侍班聽講初五

中和殿侍班十二

溫覆報

朝審重囚招冊十九兵部值日奏事

殿講經侍郎自定年譜

召見後帶領引

見二十二贈桐軒六旬壽聯云宦海波濤羣星北斗平安歲月再起東山二十七

兵部值日奏事引

見余卸署任二十九赴天安門秋審初三赴天安門

朝審二十三偕翰林院掌院學士帶領

大考輸榜引

見十月初四

乾清宮引

見武進士侍班初八

洞明堂勾到侍班十四請吳冠英畫照十一月

發下刑部主事何秋濤遞呈北倣彙編十六函

命兩浙諸臣公閱具奏十二月十六

勸政殿問

安十九入城同竹眉寓靜默寺師生相對唱和甚多縱談古今事輒感慨歎歎若

豫知明年有變者二十餘事府考供事

十年庚申五十五歲元旦

太和殿朝賀以本年

三旬萬壽

賜百官宴恭和

聖製紀事七律初九

中和殿侍班十六赴澄懷園二月初二

經筵聽講

殷鼎經侍郎自定年譜

賜乳茶着累二十七

中和殿侍班三月十八雪作木介

派會試磨勘官閏三月吾鄉警報迭聞家書久斷遣僕沈福採省送瑤笙柩水路
回南後因長江梗阻暫埋清江浦北雙金岡四月髮逆破蘇州吳江平望嘉

興二十二日

勤政殿問

安五月初七

奉三無私引

見新進士侍班十六

兩浙諸君集濱石寓十九遞封奏爲各省團練事二十日
賞上書房師傅諱達十五人共銀二千兩二十一日

勳政殿

御門侍班二十六

上欲命督辦江蘇團練彭中堂爲辭焉。二十九階彭中堂等奏江蘇團練事宜請以梁端書爲江北督辦大臣淮徐道吳榮帮辦處銅鑼爲江南督辦大臣按察司湯雲松幫辦分辦人員余舉緝脩楊慶麟王凱秦知縣左輝春柏泰銘彭中堂舉潘曾瑋殷兆銓等俱

允之六月八日

賞同樂園騎戲卯正入坐未正散初九

正大光明殿慶

萬壽遵如意

賞同樂園騎戲卯正二刻入座未正散

股譜經侍郎自定年譜

賜三鎮玉菊如意一枝碧玉山子一座盞碟二個盞匙一個帽綵一匣大荷包一
對小荷包三對江綢袍褂料一幅七月太白晝見大沽北碇臺失守僧王節
次退兵奔情益慘初八

命海口撤防議和京城讖言四起劫盜公行官民逃徙二十三二十四

命閣倅務機宜

硃諭二道二十六遞封奏二十八又遞封奏八月初四五日怡王等因和議中變
拏獲吧囉里等五人解回僧王續解三十餘人初七申刻勝保敗歸入安定

門僧王退至八里橋棄軍遁還

上夜召內廷王大臣定計出狩外間未深悉也初八遞封奏是日卯初

上召見惠恭惇怡鄉五王軍機大臣已正從後門出余至書房惠惇醉鍾孚諸邸

已隱

駕詣

安佑宮叩辭登程

御膳及鋪蓋帳櫈俱未帶余踉蹌步歸退脊廊往清河卓塗離園二十餘里恭王同桂燕山相國文博川畧辦辦局駐善緣菴招余等相助僧王退至齊化門外京城惟西直西便彰義南西四門未閉初九飯子久至刑部獄中許吧哪里和約悉如原議僉夷船退出海口將伊繩同令作漢字與呢喃唸吧哪里倔強不肯初十夷兵屯八里橋十二夷兵至齊化門外僧王兵十潰八十九十三通州知州稟稱夷人約恭王赴通面議王不容中秋吧哪里等出獄館積水潭高廟令成魏禪帶兵三百環守鶻城破時即行處死十八吧哪里致夷營書云現在中國以禮相待是恭親王主意恭親王甚明白暫可免戰議和十九夷營又擲遠三里餘二十一夷人照會云親遞國書之議可已唯須放

遼吧噏里議和二十二夷匪大隊至南海淀恭王往萬壽寺余乘車從間道
往卓望倉卒迷路到已昏黑子刻葆源騎馬由園而至與卓劉趙三姓同居
二十三下午土匪犯至卓望窺伺俱喝退二更後數十人持刀放槍毀門縱
火卓潤山及工人六名受重傷餘踰垣免余挈眷避呂姓家途遇逃難太監
王納督等言

聞明園宮殿南海淀鋪戶被焚內務府大臣文霞軒豆投

福海有金光上下氣絕光滅太監居民亦有死者余徘徊草露中望西南數處
火燄燭天二十四黎明回望計燒廳屋五間茅屋四間失物無算夷匪游騎
至清河夜望西南火益熾二十五夷兵撤回德勝門外殃恭王面譏和約王
在長新店二十六條源到園偵視二十七夜西南火如故二十八余獨回園
望見人影直躋箱籠一空木器書籍攜裹滿地京城開門迎夷匪入城上易

置夷旅內敵敵皆內向九月朔獨步

大宮門如意門福閨門外與二三殘卒話不勝離黍麥秀之感初一二三日夷匪游萬壽玉泉香山吧噪里恒子久過齊綠庭小憩初四余在閣樓點殘編累日寂聽惟聞風聲鳥聲落葉聲火燐恰敵聲十罪搶劫聲夜有不知何物怪異聲初五辰刻夷隊復來殺余上房後窗入余避至東閣門被搶身上衣物余步往卓堂過

太后官已火起并燒三山

宮殿初六午後夷隊同黃黑寺大營重九程夫人等避至沙河廳呂署余與葆源等宿鄉村梁氏利十五回國前所載物又一空近光樓燃

圓明園存坐落七所開和議條日十二二日王大臣同嘆嘆兩國集禮部換約夷人照鏡爲圖以奇固主余未到余炊烟屢斷海淀溝河零星夷匪日肆搶

掠黃土村家發趙四等數名贓物經官乾沒程夫人與保源往來昌平沙河
催索並到園收拾入城覓屋十九日余入城見夷匪縱橫九衢夷酋坐綠呢
輜游覽拜客城中暗傳余已被戕是夕宿桐軒處詰晨借桐軒衣服諸內閣
拜發請

安公摺嗣後逢五逢十如之見者皆慶更生周中堂祖培號曰遂良鬚髮盡白矣
下午還園二十七入城覓屋二十九公摺請

上回續接選之八月十四日書吾家始遷蕭家壩計氏四月二十五平望失守二
十九遷居舊東湖灣祖氏吾日新承志懷新三宅賊作公館書籍投水屬築
上城賊去五月二十七被上匪燒存鏡野園四層合鎮存十之一賊復至趙
夫人在蕭家壩傷左足秋初癆疾俱即平復仲英夫婦遷長田六月十六其
子病二十憶葺故七月朔仲英故二式家眷遷橋湧吳氏後遷南麻符據等

語聞畢與程夫人相對泣三十

派駁看月官還閑十月初八入城住爛麪胡同新宅親友以幅頂品補朝珠紙筆
小月印色鋪熱椀飭限鏡鼻烟食物相贈擗逐不法威發十一月

派駁看月官沈福自上海來報云南中傳余帶京兵赴蘇八月二十二沈福至東
湖灣趙夫人謂由我來亟出視二十四又遷奉賢矣十二月余至內城嘉興
寺重晤恭王桂相國文博川

行在頒賞綢字箋筆貂皮荷包手巾羊羔掛麪如舊門生粵西方伯張月卿寄贈
百金銘鼎臣綢緝頭京蚨二百千勉強度歲保源明年從汪幕杜京卿受業
十一年辛酉五十六歲正月病卒

舉火未向然湖安在潛為出涕二十九日奉

硃于三月二十日以前赴行在授職二月十七日接選之去年臘月五日書九

廢譜經侍郎自定年譜

月初趙夫人覺身體轉弱飲食少進月杪口吐痰沫十月初八晚微患寒熱繼以脾熱醫云恐高年藥不勝症二十五日漸有呻吟聲是夕謂其子等曰吾病不過再苦爾等一夜吾無牽累惟不知爾兄嫂離散何往所望爾等強健吾死乃是全福一切殯殮不能如前只宜從儉別無他囑次日未刻卒於奉賢寓舍距生乾隆五十年三月十六日午時年七十六歲其時家中已聞京師警報傳寄書終未達致吾母彌留眷念進不能効匡扶於

聖世退不能從患難於高堂忠孝兩虧泣何嗟及三月初六京邸治喪又聞選之繼室王氏去年臘月十二日卒二十六出京二十八至天津北門外竹竿巷德升棧四月初七保源自都門來省余初九返十六上鯉魚門火輪船十八戊刻開洋二十一酉刻抵上海仙根寓知趙夫人概正月杪殯吳江縣南渭吳氏東阡還之因奉賢民變三月間遷上海小南門外鈎玉街詰晨往登還

之牀畔之起別二十年彼此不相認矣各大慟贈奠影堂益慟親友絡繹來
唁時唐氏五妹亦遷上海聞吾家所廢鏡野園又拆盡鏡野園者甲寅歲遷
之閑宅南趙姓棧屋爲之以奉老母板與及余菟裘之備結構清幽惜余未
到五月杪上海戒嚴西門盡閉遷徙相望者數日二十六初更西北現一大
星忽明忽暗白光晝天始射東南漸移向正南略偏西徹夜閃爍兩旬乃滅
成云名天良彗七月初五夜隕星一次夜隕二十餘十五日次孫女生卒瘞
十七日

文宗顯皇帝在本隴行宮升遐

遺命殮垣壘葬肅慎景壽穆蔭匡源杜翰焦佑瀨贊襄政務八月朔日月合璧五
星聯珠十九上海又戒嚴夜有若鬼車鳥飛鳴終夕數百里內處處聞之或
曰此地懸也西南角大星現天文家言是將星不利夷人據夷人云雖幾傷
一定反數無歸休

答或問知否人云其小者何足論後甲子秋乃有絕大彗星數日輒算出見諸利木余覺利木甚吉之果有此說然甲子秋不驗

九月作吳花南殉難傳初三至初八從賊烽中舟行至東湖灣朱廉石及大姊寓即吾母去年避難處也南浦莫超夫人殯所弔吳丈嫂山喪製輓聯云世運闇滄桑廿年暫返欣公在交情同骨肉一面重逢歎我慳至黃楊演省殯宮無恙鳴頭鬚樹存十五株墳墓祠宇無恙符湧見係沒姪母子及謝秋田觀察十二返上海又連日戒嚴二十一沈香閣聽宣

遺詔三日哭二十七青龍庵爲趙夫人治喪是秋檢燼餘契券賑簿十月蘇常紳士邀余公啓曾濤生制府統帥南下聞初七日

賜載垣端華自盡肅慎斬決景壽革職留額駙及公爵穆陰發軍臺杜輸匡源焦佑瀛革職其餘陳孚恩黃宗漢等謫戍革職有差初九

皇上登極改祺祥年號曰同治二十三程壽庭卒於全成十一月朔

州官員太后垂簾聽政以恭親王爲議政王聞係深取順天鄉試贍錄第四名馮景
亭潘玉泉等強邀同過薛近堂中丞議奏借夷助剿十二至十六營信迭至
十七署方伯吳公出示云賊大隊由青嘉一帶將撫潭城我軍會同英法二
國協力守剿附居民須閉戶勿在街市行走自是人心益擾亥刻聞若干軍
萬馬爭門聲及敵聲男婦啼哭逾夜聲良久乃定當時皆訛以爲賊至次日
或云因門聲而起或云因炮聲而起究莫知何故也二十步往夷場遇敵家
者擁擠不得過二十一圍還之等上船二十二中途爲賊艘追及風利倖脫
二十三泊秀水縣油庫潛訪倪秋谷民爭未識而殷勤挽留遂定寓焉二
十七至二十九大雪四五尺湖水斷行土人云奇寒較道光二十一年更甚
然尙不至如北方凜冽

同治元年壬戌五十七歲正月在油庫港得蕭揚醜泉銘一方正學研一二十

四二十六游構四起俗稱陰兵南方春初往往有此此鄉屬地皆賊風鶴頻
警聞上海冬春間大亂近日稍定二月初三秋谷瑞圃顧伯吳石生唐蘭皋
爲余祖餞以詩畫贈行任生晚香來會初四同還之吳式如石生蘭皋往上
海行數里爲賊所梗初九仍返油車港張蓮洲同年過訪聞述齋宮詹叔正
月十四在勢東卒張肖眉去年在杭州全家殉難十九復同還之石生蘭皋
冒險放櫂烽火槍礮中逃亡載路浮屍塞川二十五抵上海下榻萃和行三
月初三移仙根寓吳平齋贈書畫扇及錢叔寶醉茗圖連日爲人寫檄帖自
集對曰放不可長欲不可縱志不可滿樂不可極心無妄思足無妄走人無
妄友物無妄受下聯係邵康節自著無名公傳中詩語十六上夾板船十九
開洋二十七八日暴風一晝夜黑浪如山從桅頂飛過滿船啼哭夷人服余
鎖定贈千里鏡洋糖余報以火燄茶葉四月朔至大沽觀伯王所築礮臺土

城已圮初一至天津初六道京十二釋服十五遞摺請

皇太后

皇上體安

命詣

觀德殿叩謁

梓宮仍在

上書房行走十七遞謝

恩摺到

上書房二十五

慈寧宮邇冊寶恭近如意行禮二十九

賞緞綉一匣大在貢緞袍料一件五月二十遞封奏奉

啟譜經侍郎自定年譜

寄諭江浙地方淪陷百姓流離顛沛於水深火熱之中不肖官吏及軍營帶兵將弁或縱兵焚掠或藉端侵漁甚有潛謀反側兩端首鼠者上海本餉源所自出江浙官紳商賈遺憾所聚艱利生孽恣睢悖亂且與外國人雜處尤應於撫馭中寓防閑之意該督事所陳整飭戎行澄清吏治清釐餉項鎖撫遺民及防維外夷等條均屬不爲無見現當江南北軍威斬振可望轉機亟應改絃更張所稱上海釐捐爲劣員等吞肥如俞斌金鴻寶等及杭州逃出之林福祥等均經被人參奏屢次寄諭曾國藩等查辦道員楊坊候補府李姓候補同知姚姓等所爲更出情理之外槍船凶橫反側亦必豫爲之所著曾國藩李鴻章按照各條並遵節次寄諭其應速問及拏辦者即懲治一二巨蠹所有廳行豫籌辦理之處亦早爲熟計審處將訪查各情確實迅速具奏毋得一字欺飾原摺著鈔給閱看後附邵抄林福祥馮日坤等俱正法俞斌勒捐軍餉銀二十萬兩與閩剝等俱革職治罪

六月初十奉

旨補授詹事府詹事原缺尋充

日講起居注官時大疫由上海傳染至天津通州京師及直隸各州縣初四奉
旨授惠親王之子奕詳廢謨讀初十

命暫權孚郡王課十二

長信門外廄

慈安皇太后萬壽中元節

觀德殿行禮戊刻流星大小千百飛奔西南若亂螢可撲者攷管窺輯要唐文
宗太和四年六月辛未曾有此異十七

觀德殿周年祭行禮十八太陽下行二度二十四彗星見西北指東南兩旬滅

八月十二遞封奏尋

臣洪經侍郎自定年譜

允王大臣奏遵康熙初故事停止親送

梓宮十二

賞榆次瓜十八接仙根保鴻書知六月十三油車港寓被劫一空本月朔選之挈眷抵滬偶患痢疾亥刻卒於舟中年四十七歲附貢生候選教諭著奉賢縣學訓導五品軍功藍翎國子監典籍銜以子葆鴻同知銜加級捐

封從四品三年四月吏部奏准照四品官軍營病故例

贈道銜並照實職訓導麼一子作爲監生嗚呼二十年夢草一載對牀當申江惺別時余固憂未必重逢然豈料惡音遽至耶家運之厄於斯極矣十九至二十一作家書爲處置後事閏八月

派鄉試廩勘官初八奉

旨補授內閣學士兼禮部侍郎銜二十七接李生應舉書言陝西軍務及勝保擾

害情形其悉以原信送軍機處備查九月朔

乾清門監視

恩詔用寶初二從內閣佈

恩詔至

太和門取九東直門外恭送

梓宮十一王氏二妹在上海卒二十二

派考試滿蒙輔諭按檢大臣三十

派同職常翰光驥惇衍充武

殿試讀卷大臣住內閣十月朔

太和殿行禮散題紙初二散題後回宅初三

嘗燈燭明羊肉和醤即喜雪韻并題醉郎詩稿長句四律初四赴

殿試經侍郎自定年月日

內閣填武榜初五

乾清門用寶捧榜至

太和殿率武狀元史天祥榜眼徐壽春探花劉其昌傳臚孟志遠等四十五人

行禮初十

長信門外慶

慈禧皇太后萬壽二十

派磨勑武鄉試卷冊二十七

懋勤殿用寶十一月朔

賞水魚初二

賞

宜宗成皇帝聖訓一部計二十六函一百三十本十七勝保抄產摺問十二月十九

乾清門用

諭勅寶二十二寶正

乾清門沈寶二十二至二十九

賞賜緞一匣江綢炮掛料一匹飴飴糖米各一色香燈三十個羊一隻六挂麪十
束荷包五個押歲銀綵荷包一對手巾一方貂皮二張除夕另

武魚一隻三葛子乳餅

二年癸亥五十八歲元旦

長信門外及

乾清門外朝賀僚源從馬春賜緞脩受乘二月

國會試授檢大臣初九程夫人五十初度銘鼎臣帶見小門生郭發源等三月初

六奉

旨召兵部右侍郎二十三

乾清宮慶

皇上萬壽四月初十卽署兵部十九

派閱散館卷同羅惇衍萬青黎孫葆元寶珣吳存義靈桂全慶定一等徐韜等十四名二等三十四名三等五名二十

派充

殿試讀卷大臣同派者倭仁瑞常寶黎萬青黎孫葆元葉春榮全慶八人住內

閣二十一

保和殿行禮散題紙住

文華殿二十四覆

命進呈前十本

召見時

太后以第三四卷對調折封引

見赴內閣折二三甲彌封填榜畢同宅葆鴻翠眷二十二到京二十五

太和殿率狀元翁曾源榜眼翼承鈞探花張之洞傳臚周蘭等三百人行禮二

十八

賞帽綠袍料五月李伯琨孝廉授葆鴻柏齡讀六月十二三四日官軍克復吳江

震澤縣城七月初三

懋勤殿用寶十二

長信門外廢

慈安皇太后萬壽中元前後數日日月俱作燕支色二十二

賞檢大瓜二十八

續前編自定年譜

質

文宗顯皇帝御製詩文集八月題憇邸畫秋海棠便面寄沈雲巢前紫壽聯云儀型

齊魯三千士領袖蓬瀛廿五科身登此山中秋

賞月餅西瓜鮮果二十三寅刻次孫松齡生九月以歷年與恭邸俱和詩文詞錄

早二十九

派充武

殿試讀卷大臣同派者周祖培吳存義中常四人住內閣十月朔

太和殿行禮散題紙初二回宅聞百庭叔八月二十四日卒初四赴內閣填榜

初五

太和殿中武狀元黃大元榜眼岳金堂探花敘鳳舉傳臚起臚等四十九人

行禮初七

賞餚猪明羊內初十

長信門外慶

慈禧皇太后萬壽十五

國制釋服二十四官軍克復蘇城初十

賞水魚是月二十二官軍克復平壤十二月十五監視用寶二十六奉

旨署禮部右侍郎是月

賞福字緞綠袍綢福方相寶湖筆提筆羊羶桂麵哈密瓜廣橘荷包銀錢貂皮手

巾如舊

三年甲子五十九歲元旦寅刻瑞中堂捧表余陪廬賓生

引至

慈禧門辰刻

殿誥經侍郎自定年譜

長信門外及

太和殿朝賀初十

太廟視靈豆二十五奉

旨署吏部右侍郎二十六引

見京察三四五六品京堂六十員二十七各部院章京筆帖式京察過堂二十八

京察過堂引

見九次四百十七員換月摺發照掣簽過堂各一次長田五妹到京楊鵝舟經授
葆鴻柏齡讀三月初一戌時次孫松齡痘殤二十三

乾清宮慶

皇上萬壽二十四長田五妹適沈子霖文法四月二十

派同豫王容貝子瑞中堂朱鳳標羅惇衍單懋謙龐鍾璐載崇明慶盤查三庫至

次月初十盤峻計銀庫除課金砧銀樣祖寶銀低潮銀官票銀外存壹百玖拾貳萬肆仟貳百柒拾柒兩有零盈餘捌仟貳百兩又內銀庫存伍拾萬伍仟貳百兩有零二十八日在

上書房考差擬李德裕忠諫論賦得柳暗花明又一村得游字五月

賞荷包一個香囊十個帽緝一匣袍褂料一福二則團龍白紗二疋花機紗二疋牙色波羅紗二疋深色葛二疋錦子手巾一匣十件十景香珠十件十景香珠十串花椒挂件六串油紙摺扇一匣十把蒲扇一把繡花宮扇一把夏布手巾二方初二領

飲命考試曆錄題單司員送入貢院端午

命充福建正考官許庚身副之初七

尤闐撫徐宗幹奏暫緩鄉試十一日禮部奉

旨福建鄉試正副考官着屆期另行具題此後遇有請飭考官題本仍將殷兆鏞
許庚身照例開列十六

派考試滿蒙漢文童搜檢大臣二千四余贈孚邸聯云泉石嬌姽花竹種疏廊廟
山林策斯勝概凡席雍容圖書帖妥文章學問輔我

昌期六月作潮州林氏祠聯云爲潮士師皆篤文行配水仙食好作祠堂二十九
金陵紅旗報捷七月朔遞如意賀

舊賞加一級初五仍

命充福建正考官阿克丹副之二十六啟程二十九過十二連橋大半淤涸非復
二十年前風景矣三十宿富莊驛與楚勇同店徹夜喧譁不能成寐八月初
四五日從禹城橋至齊河因黃河漫溢陸地行舟糾廻限滯中秋過清江浦

同年吳仲宣酒帥等請

聖安至舟中會晤遣僕奉升至雙金挿視瑤笙葬處十六過淮安接見同年李羲
琴明府阮翁如廣文十九渡揚子江金焦兩點昔在水中今爲陸路二十三
道游覽滿目崩壞四無人跡至閭門外馬頭李少荃中丞等跪草地請

聖安觀者歎復見漢官儀焉中丞權使薛世香太守長元吳三令至舟中會晤言
蘇州府衙署獨存殿後祝謙之吳式如金奇剛保治姪來二十四泊吳江垂
虹橋沈問梅萬蘭谷兩明府洪受甫葉子晉來城外屋廬蕩盡城內十存三
四二十五過平望民房僅存數間潘觀察即新丁觀察即昌帶領十一營兵
五千五百名擺隊迎送萬蘭谷來謁送余與式如等周歷故居瓦礫自文錦
堂以後城塗上城現屯兵勇登平橋俛俯徘徊如醉如夢保治別去晚抵
嘉興次日式如青帆別去二十七泊杭州新馬頭昨今雨沾湖水極鹹知海
塘缺口數百丈二十八左季高制軍等請

聖安二十九酉刻進五里門出鳳山門至螺獅埠登江山茭白船已昏黑九月初

三過嚴子陵釣臺初四過桐溪埠突遇楚勇數十稱某制軍公子自犯赴杭
欲奪余船一長崙吏勢甚張良久遁去後訪知長崙姓余浙江候補同知湖
南人楚勇則龍游所派護勇也自是水淺不能行初五至蘭溪換船蘭溪亦
經兵燹今已一律興復座肆相密擣衣襟聞數里余所過江浙地方蘇城外
惟此爲最其地多產蘭草署令江紹華爲制軍信任官聲惡劣初八又有兵
勇欲提阿允廷船者重九抵衢州登陸十一峽口觀水碓一路洞壑瓊瑤峯
巒葱蒨珍禽異卉拂翠繁紅余謂允廷自杭渡江山明水秀本色畫也自衢
渡嶺紙醉金迷著色畫也十二過仙霞嶺二百六十級余以爲徒步可陟豈
知腰脚頓衰謁

關帝廟夜夢製聯云千秋香火猶存漢兩威江山俯瞰闊十三憩漁梁嶺

志稱爲天下十大名山之一寶塔培塿耳有放生池清瑩可愛遇真西山先生故里十五宿順齊縣馬嵬街軒窗臨水白燕羣飛對岸皆山爲之心怡神曠十七過越陽東門外謝文節卜卦亭入城公館亦佳二十三宿金沙驛二更後忽接侯官閩縣與南平縣信稱汀漳告警中丞奏緩鄉試轉致主考於所到處暫行裁留僉以未見公文且至水口聽信二十五黃田宿徐樹人中丞委員齎到公文并信二十七駐古田縣水口驛枕山爲俯山泉自屋頂飛下循庭除晝夜憂釋與山鳥相和十月楊芝春臘大使家心齋司馬執中潘茂如觀察同章自省來訪十八山四百里同允廷馳發試期再改准咨折回又單銜懇

賞假順道省墓至拜招後因夫馬未集二十二始克成行閩輶天氣暄和午間猶著棉衣揮扇沿途競放風箏蛙跕螺螺二十五宿延平略黃秀岩軍門帶兵

四千由浙赴閩剿賊二十八至建青年家子徐孫祺以尊甫葬舟太守朱灰齋集小映紀年讀書雜釋見貽三十接奉十一日

諭旨着馳驛回京十一月初七仙霞嶺祖關帝廟簽云我本天仙雷雨師吉凶禍福我先知至誠禱祝皆靈應抽得終簽百事宜初九衢州上船值左季高赴閩相晤贈季高詩劉楚貞總戎寄請

聖安十六桐廬道中接奉

批摺賞假一個月二十抵杭謾撫將鄉泉方伯堅留小住二十三冬至同浙江文

武官集神農殿望

聞行經鄉泉楊石泉林聽孫薛慰農邀登城隍山新修關帝廟大虛樓賞雪前眺錢塘江後眺西湖勝處隱僧寮四十餘椽在杭城內外民廬官廨神祠鄉泉建復者已不少頌聲載路二十四戴洞鄰楊鵠香徐少岩仲巢民携飲

祖餞二十五鄉泉等寄請

嘉慶丙辰歲船二隻護送二十八至嘉興倪秋谷瑞圃先在訪徐伯梅壽穀堂宅無
恙喜稻堂存前二曆三十與允廷別夜泊黎里借寓徐表卿宅葆源順天鄉
試報罷取牘錄歸應江南十一月鄉試亦於是日到黎十二月與諸親友叙
會故交如徐雙螺程紫垣王酉山喆甫輩晨星落落車保源往平望憑弔遺
墟黃楊濱南渭鵝頭灣長田屐墓邀沈嶺梅相鵝頭灣山向未克攀余至后
雷湧訪王秋汀送凌爽墨硯池亭遇葆澄母子築笠山綏卿油車港訪倪氏
昆季除夕誕生沈君贊

因朝文徵蛾術編各一部囑贊序

四年乙丑六十歲元旦葆源往池亭初三蘇世香不守自郡城來十四余北上
送者式如丈青廟蘭皋伯梅葆治臨行以鵝頭灣祖塋種樹修葺託式如辦

理十五至十七大風雪泊吳江守凍會問梅蘭谷諸君十九至二十二曾蘇城諸親友少荃中丞邀同馮景亭潘玉泉集拙政園二十三同仙根葆源解維式如等送至楓橋返三十過召伯埭二月初四過淮安會仲宣漕帥宜春僉學使初五至初七泊清江浦值徐州告警車少守候會錢渝仙李采臣二十德州城守尉富明寄請

聖安二十三寅刻仙根葆源至河間三十里鋪遇騎馬賊刦去銀十兩洋錢四元

錢四吊任邱接見劉青峯同年二十六到京二十七覆

命二十九

派閥舉人覆試同派者貢中堂寶鋆賀壽慈汪元方綿官葉春榮譚廷襄潘祖蔭衍秀舉道遼景霖十二人覆試卷一等洪良治等四十名二三等若干名三月初五偕周祖培瑞常朱鳳標吳廷棟桑春榮王發桂

召見以蔡壽祺先奏廣言路

召對復封駁振紀綱正人心整肅棘除苛政復京餉一摺昨又參劾恭親王

兩宮震怒

命偕倭仁查辦初六桑百齋入閣倭相國與余等傳訊蔡壽祺初七擅奏二十一
瀛閣舉人補擬試卷同瀛璫中堂宋鳳標擢憲忤旨道遠王發桂靈桂黃偉
賀壽慈潘祖然十一人一等費延頤等三十名二等七十名三等一百四十一
六名二十三日

乾清宮殿

皇上初旬萬壽二十八惠郡王等百日孝滿仍遣

書房

太后以四部務較煩改派編脩林天倫授讀四月初二偕倭仁等覆奏蔡壽祺所陳

朕諭行侍郎自上年來

五十三

廣言路至力除積弊奉

上諭允行先是正月十九太白晝見三月十九經天已午未三刻離太陽正東二丈許今日欽天監奏主有兵兵止無兵兵起十六仙根下第回南嚙寄景亭步弓會典云皮天下土田以箭道尺起度五尺爲步三百六十步爲里凡地之望者曰用五尺爲弓二百四十步爲社百步爲町十七

派閥新貢上覆試卷同派瑞中堂朱鳳標李棠階汪元方譚廷璽編官王發桂黃倬潘祖蔭十人一等牛暄等四十八名二等六十二名三等一百三十一名四等二名十九

派閥散館卷同派者羅焯衍汪元方舉道遠桑春榮黃倬潘祖蔭延煦共八人一等張之洞等二十四名二等三十五名三等二名二十五

乾清門銓新進士榜推至

太和殿安設

上升殿傳爐行禮五月吏部委事七大三十一件引

見二大三十五員擊鑼三次發照一大謝子齡孝廉授保湖柏齡識初二遞封奏
爲江蘇海運漕糧請

飭查照戶部議准浙江章程成革津貼銀兩並請

申諭軍務已平省分停止釐捐又附片云再各省新復地方於奉

旨免賦之年做照賊匪田捐辦法浙江每畝制錢三百餘文蘇城畝捐四斗上年
民間收租一石捐錢八百七十文追呼之酷甚於催科似與

恩輪顧者近日江蘇不肖官吏有私製八折小步弓丈量田地浮增畝數者有議
做賊匪著佃交糧者省城賊逼民房多被大小員弁霸佔原主來認領以奏
明人官拒之總請通飭嚴禁以拯遺黎謹附片具奏奉

寄諭蘇撫李鴻章酌裁津貼嚴懲委員等因六月二十七

諭曾國藩李鴻章於蘇省地漕等款仿照浙省開減浮收迅速妥議具奏七月吏

部奏事七次二十三件引

見三次七十六員換月摺進月官卷各一次掣簽二次保源從陳培之農部受業

十二

長信門外慶

慈安皇太后萬壽二十二

養心殿間

上安八月沈述齋卒於廣平郡城十六赴天安門秋審十七朝審二十四

派覆試各省武舉同派定王賈楨基溥崇綸汪元方黃倬毓祿共八人賈相國與

余校宿字園廣東一百名湖北五十七名浙江七名陝甘二十名是日閱馬

步箭畢與嘯庵恕皆駐高廟次日閱弓刀石九月十二

派知武舉人閱主考賀壽慈夏同善內監試興福楊書香外監試柏秀阿克丹此

一人非大廷也周星鑿胡毓筠提調石峻十四考試武舉二百五十二名默經後覆

驗弓刀十七個晚中八十名是日

上奉

兩宮皇太后啓鑒請

定陵交內閣發遞請

安覆

命摺及題名錄佩帶吏部印鑑二十二十一連發請

安摺二十三道州二十四煙郊迎

鳳以奉安

定陵禮四曾署部

賚加隨帶二級二十五回京三十六迎

神牌十月李鴻章奏裁革海運津貼銀兩初一余六旬初度初三

懋勤殿用寶初五

太和殿武備廵行禮初十

長信門外慶

慈禧皇太后萬壽十一月陳生紫蓬編脩以尊甫笠帆中丞爲先公作松陵詩徵序

見示當日文成未寄者也當補刻之十二月

皇太后命書

長春宮櫺扇十八

懋勤殿用寶二十六申刻南西門內火藥局灾是年端午中秋立春除夕及隨

時

賞賚均如舊

五年丙寅六十一歲元旦

長信門外及

太和殿朝賀一月二十六

命授卒詳卒詢卒謨職二十八戌刻吏部文選司火晨往勘視自請議處三月初

十夜庭院有聲若鬼噓二十三

乾清宮慶

皇上萬壽二十六

皇太后命齋

鍾粹宮商相十二幅四月五日

命稽察中書科事務二十六

勅諭經旨歸自定年期四

派閥大考翰詹卷同派周中堂瑞中堂羅焯衍全慶桑春榮黃倬劉峴共八人一

等孫毓汶等五名二等三十七名三等五十二名四等三名五月范芝香授

柏齡讀十五偕賀雲甫考試孝廉方正二十五

派稽查內閣本章七月十二

長信門外慶

慈安皇太后三旬萬壽遞如意蒙

賞還己初進

甯壽宮聽戲未正散

賜三錢玉如意一柄玉磬一架手鐘一個碧紅瓶一個畔織綢袍料一幅緞綢一匣

大荷包一對小荷包三對十八卯刻第三孫女生八月二十一

懋勤殿用寶二十五赴天安門秋審二十六

朝審十月脩吏部畫一章程軍興以來吏部選功二司章程紛岐尤雜督撫專擅清請吏胥因緣爲奸日滋弊發壞法亂祀前奏准積年例案刪定畫一新章刊頒各省自是月始毛煦初纂選司余纂功司次年八月粗畢初十捧表慶

慈禧皇太后萬壽十一月初五

派閔部屬考漢御史卷同派費植萬青纂全慶共四人十四亥刻三孫女痘瘡二十五中書科

京察過堂一等翁在璣一名十二月初一吏部

京察過堂一等恭鍾常興蔣啓勛傅慶助奎訓五名初八

太和殿慶

文宗顯皇帝實錄告成

殿誥經傳館自定年編

賞紀錄一次十一因昨日帶領引

見入班先後參差吏部堂官自請議處十六謝失察請封蒙混寬免處分

恩二十二

派充文淵閣直閣事是年端午中秋立春除夕及隨時

賞賚均如舊

六年丁卯六十二歲正月福海門來受業初三夜至初四六七連日雪自去
年夏秋乏雨冬無冰雪天氣燥旱農田望澤孔殷喉痘瘡症傷人不少今得
祥變可少甦矣二月經筆以先世詩稿囑爲選定十八大風範已刻晦二十
四至二十七連日風霾三月初四

賜橘二十一枚初六條源三十初度十三

養心殿問

上安十七賀惠郡王婚二十二

賞留壽宮聽戲辰正入座申初散二十三

乾清宮慶

皇上萬壽

賞留壽宮聽戲辰正人座未正二刻散

賜三娘玉如意一柄玉界尺一枝手鍾一箇官委花瓶一個袍褂料一福帽綠一
匣大荷包一對小荷包三對四月孫楚卿授柏齡讀二十考試孝廉方正奉
派擬題擬在璇璣玉衡鑑雲行雨施品物流形疏二十八在

上書房考差緣人情而制禮依人性而作儀論賦得五月江深草閣寒得江字

端午

貞賢如鶴二十一西初晴叢三十

初晴轉侍郎自定年朝

五十八

派同英善亭少司寇承脩貢院六月贈官秀峯伯相七旬壽聯云將相勳名今之
裴令期頤歲月古有召公李友蘭孝廉授柏齡讀初八辰刻赴貢院開工作
童夢君通副幕表寄定州汪少童刺史夫人挽聯云仙去竟難留純孝封肱
淒梓含神傷誰佐治老懷忍泪染棠陰初三

派考試繙譯生童搜檢大臣又

派同慶桂鄉申司空佑脩

關帝廟初十

皇太后命書

養心殿櫺扇絹三幅十二

長信門外慶

慈安皇太后萬壽十九赴貢院驗工二十赴

關帝廟估工二十八脩葺鄉申覆奏請將

關聖帝君大殿一座并前接抱廈坪蓋穿殿三間蓬豆房三間揭瓦旗杆二座
柵欄一道鹿角木二十架坼脩添安照舊油飾周圍大牆等處以及內外
地而設塊八字堵隨牆角門等工一并脩理至後殿五間東西配殿十二間
治牲房三間碑亭二座山門一座情形稍輕暫擬緩脩奉

旨依議八月朔未刻

簡放安撫學政初二具摺謝

恩初三

養心殿叩頭時已卸吏部事文博山囉仍將功司章程纂定後啟行十一纂畢
共刪存二百三十一條是月十六日閱果卒九月初三具摺跪

安順天榜發葆源取貲錄第一名二十六起程申刻過瀘清橋夕陽長髮猶暫潛

然有餘情猶戀

闕到此屢回頭未報

恩徒歎重來事恐不旬十月初三宿景州開福寺老不能登塔登千佛閣有防兵

駐此初七聊城登光嶽樓樓高五層望西南北三面皆積水惟東面無水而

氛甚惡蓋泰安一帶方賊踞也十四日陳橋渡河至沐梁十五日會李子和中

丞歐陽保桂川西楊慶麟扶蒲郡字豫津生三學使二十二宿安徵泰和縣

士庶歡迎謂數百年從未有星使蒞止二十三抵潁州府城英西林中丞請

聖安二十五西林率屬送行解維後節節擋淺二十九三十換船三次十一月初

三登陸駐六安州試院初九申刻進省城試院十四張友山方伯吳竹莊廉

訪邀同朱九香馬雨農趙帖存登大觀亭謁余忠宣公墓謫集藩署雙檜軒

十六年刻接印送九香行十七發到任摺發閩省觀風題二十一以喪較右

相燈張心鑑慎鍛植盛藻沈懋嘉名單咨巡撫奏

聞二十四考敬敷書院接京信十一月二十一日己時第四孫女鴻杏生

七年戊辰六十三歲三月初五取齊安慶生童初八開考二十九文場畢文風太湖望江較好而士習俱不謹正取優生童文鎔柏璣趙曾重四名次取三名查出繪替文童望江二名桐城七名鎖交提調安慶積習有試卷夾入字條干請者嚴行摺斥招覆新進面試起講與正場文理字跡不符者扣除厯試各糊皆然三十開考武場安慶武童不多加以詭報姓名一人考至三四次教官曉保通同算混學使者明知之而無以辦也四月初四閱馬射

戊十三考畢十八起屬宿練潭接吏部咨文三月二十八日奉

上諭補授禮部右侍郎二十四按臨廬州府二十六開考十五文武場畢文風合肥較好武爲縣縣爲最正取優生李鍇俊李仁祐二名次取四名包孝肅翁

孫以公像見示接吏部咨文四月二十三日奉

旨殷兆鑑仍留學政任十六起馬十八按臨六安州二十開考發謝

恩摺五月初五文武場舉初六起馬初十按臨潁州府十二開考六月初一文武場舉初九發擢十二按臨壽州十四開考二十七文武場舉文風壽州較好正取優生孫傳棟孫傳樞二名七月初二發擢初六按臨鳳陽府接省報信知六月二十八景淑到院初八開考二十六文武場舉文風懷遠定校好正取優生方汝兩一名次取三名二十七發擢八月初二按臨泗州盱眙縣試院在山上米南宮詩所謂且是東南第一山也初四開考接吏部咨文七月十一日奉

上諭轉撫禮部左侍郎像源赴清江浦雙金閘起瑞笙輶遺臯役王泰送回吳江十八考舉文風天長較好次取優生戴世文等三名二十起馬二十二按臨

滁州二十四開考閱鄉抄以據忠削平中外文武大小臣工

賞加一級積官換香抄御史吳鼎元奏善後章程八條一整飭士習一裁撤釐局

欽奉

寄諭遵行並着各督撫將所撤釐局若干處據實奏聞等因九月初五文武場畢

文風全報較奸正取優生張德沛等二名初六游豐樂亭觀坡書歐記初七

發謝

恩摺辰刻起馬初八宿香泉水溫如釜上氣浴者甚衆重九按臨和州游子代刺
史貽歷陽典錄游定夫集十一開考十五午刻地震者再十七丑刻又震二十
閏馬射回鄉民訛傳州守游智開將撤任帆香籜留頌游德政者數千人
二十二文武場畢文風中平二十四發榜二十五按臨太平府城爲賊毀未
築荒涼殊甚試院亦非舊址二十七開考十月十一文武場畢文風平常十

二發擢十三泊黃池十四按臨甯國府十六開考留署兩屬十一月初二文
武場畢文風涇縣太平較好甯國縣廣德州下下正取優生沈世榮潘慶潤
潘官林三名初三發擢初七門生童桂臣由臨川令卓異進京引

見船近江中初八銅陵丁家洲西南四里舟觸石沉余跳上岸打撈行李改坐從
舟十二旋省二十四考敬敷書院二十八發厯試各屬情形奏摺二十九李
少荃節相由京乞假回籍同撫司道至東門外迎江寺請

聖安閣邸抄是月初鍾郡王薨逝是年省城創建江蘇會館余捐廉四百兩接吏
部咨文奏准

飭下各省學政於按臨時察看教官學淺年衰者會同督撫嚴行甄別任滿將合
省教育官是否均堪司鐸專摺奏明並咨吏部存記

八年己巳六十四歲二月始刊試牘初二江西劉峴莊中丞入覲過訪偕撫司

遠寄

安初九登舟守鳳初十大觀亭謁余忠宣公墓十一解維十三接臨池州府十五開考三月初三文武場畢文風銅陵較好正取優生王用賓章焚理二名次取一名查出貴池東流抬替二名斥革貴池廩保一名初四起馬宿青陽縣公館庭中望九華山如在咫尺初五宿石埭縣南阻至初八啓程過黃山下山景尤佳太平縣甘棠鎮爲崔姓聚居舉貢生員數十人鼓吹迎送十一按臨徽州府夏峯舉博寄贈所著景繁堂全書十三開考二十八文武場畢文風府歛休矣鄉鄰皆好正取優生汪鴻祺程錦文江鳳林潘煌四名次取四名二十九起馬四月初四貴池登舟初六回省十五竹莊以撫署安閩落成招同壽山與軒蓀松小集十九興脩本棚大堂號舍二十二爲考試一周發奏摺二十四起馬二十九接臨廬州府廬州久旱守令設壇祈禱一老叟

曰無益也。俟學使到即兩耳言訖。不見五月初二開考。果大雨以喜雨亭賦命題。二十一文武場畢正取優生姚慶瀟李經世二名次取二名查出廬江無爲擔手各二名舒城一名斥革無爲廩保一名二十四起馬二十五按臨六安州二十七開考六月初六丑刻僕人李玉自戕委六安州驗訊十二文武場畢次取優生一名查出霍山抬手一名十四起馬十八按臨潁州府七月初十文武場畢次取優生一名十一發擢中元日按臨壽州十七開考二十九文武場畢八月初一發擢初四按臨鳳陽府初六開考定遠廩生葛長春古學正卷作隸覆卷作篆俱有法度二十二文武場畢正取優生王士琇一名二十二發擢二十五按臨泗州盱眙縣二十七開考重九閏馬射回游玻璃泉觀鱗米石刻十二文武場畢十三起馬十五按臨滁州三十文武場畢次取優生五名十月初一起馬初三按臨和州初五開考十六文武場畢

十八發櫂二十九回省十一月初五安慶開考初六程夫人係源自蘇州來
十二月初七張潔甫卒十三發奏摺十五文武場畢正取優生殷先拔等三
名次取三名齊出搶手太湖三名桐城五名望江一名斥革桐城廩保一名
擊殺宿松滋事童生二名扣除懷桐潛筆跡不符新進五名十七會何子貞
同年以所著東洲草堂詩鈔見贈曾濂生節相寄贈書局新刻史記兩漢書
文還是年作朱半塘師傳重脩霍邱縣學碑揚東川西樓易說序徐鳳岡聖
門被誣歸跋

九年庚午六十五歲二月荊送吳竹莊入覲寄請

聖安初八發櫂初九按臨池州府十一開考二十八文武場畢三十起馬三月荊
至石埭又臘雨三月初七按臨徽州府初九開考二十五文武場畢正取優
生程錦辭胡廷琛胡洪度三名次取二名准婺源紳士呈故舉人錢大昌全

集請入通志儒林傳准故廩生余元遴從祀紫陽書院朱子祠二十六起馬
過東門外上里一名殷家村敬謁宗祠兵燹後殘毀已甚祠前有明神宗賜
先尚書石汀公忠實助庶石碑坊祠內御書樓下王弇州題柱僅存次聯云
經濟平濁助猷定粵世襲錦衣之寵 百代冠裳皆石汀公事也贈拜畢
與族人相叙相資小弁族葬在山屬守令重申封禁四月朔按臨省國府初
三開考省慶兩屬太平縣童生程恕質年十五默寫十三經無訛背誦文選
亦熟文理清順取人縣學第四面加獎勵十八文武場畢正取優生吳志芬
等二名次取二名十九發擢二十按臨太平府二十二開考五月初六文武
場畢初七發擢十二回省西院芭蕉花如斗大或言不祥陳雲海太令自上
乘差人來貽張仲誠全集二十考數敷書院七月初二保源進京鄉試七夕
發擢十一按臨金陵別三十五載白首重來人民已非井邑俱改秦淮金粉

憾爲荒烟中元日閱觀貢院朱甥小石自吳江蘇家港來十六開考接晚信十二日申時第三孫杞齡生二十六聞鶻山制府被刺往視已不能語次日本八月初三錄過舉初六送銘鼎臣林錫三兩主考入附銘故余丙辰取士林則

上齋後進也十四朱甥病故十八會同署督魁時谷將軍考丁卯庚午兩屆優生四十三人取正貢胡廷琛徐世輔檀球趙曾重李經世潘慶淵戴世文潘煌江陞東江鳳林檀璣張德濡十二名陪貢江濟王鴻業李仁祐李鍾俊沈世榮潘官林程錦鉢方汝雨汪錫麟胡洪度王士琇章發理十二名後檀球趙曾重江陞東李仁祐沈世榮中式檀璣中副榜王鴻業出歲貢以江濟李鍾俊潘官林程錦鉢補優貢額二十四上火輪船二十六回安慶程夫人病甚相見垂涕二十七過英西林中丞有候補官爲僕所嘗西林聞之將斬其

僕已臨刑矣適余至譖罪不至死且非軍事不可專殺請杖而逐之西林從
余言重九開考武生選才十二葆源京兆試歸是科取貽錄二十二武錄遺
畢十月初三爲通省歲科試及生監錄遺並會考優貢完竣發奏摺又奏懇
賞假葬親奉

旨允准又奏嗣後壽州鳳臺兩州縣童生府試請照院試專棚例知府赴壽考試
以鄉寒士遠涉並請將壽州鳳臺合設拔貢一名添爲各拔一名俱經部議
奉

旨允准二十八新任學政景劍泉其濬到省恭請

嘉慶十一月初二卯刻交印初四發卸事摺初十啓行謝參軍承恩繪旛江送別
圖西林竹莊與軒等皆有詩程夫人夏秋患痢屢發屢止舟中復作十四己
午間病忽亟亥時卒距生嘉慶十九年二月初九日子時年五十七歲時風

阻和州西梁山下不能進退十六晚泊金陵十八成熾二十九至蘇州十二月初四靈柩遵例入城停蕭家巷新第夫人操家有幹才聰察善記好布施事姑孝敬子取下嚴南北舟車輅提稚昧撫前室女如已出自京娘浙親送之往歲時戶祭散吉蠲早朝戒旦代聽雞鳴

賜蓋傳柑

恩榮疊被伴直淀園萬花香裡相對忘憂每子出使具行李持門戶維謹余爲怡鄭所嫉戊午上疏後訛傳貌學滇南時夷庚久塞夫人毅然曰行矣請從泊遭讒亂慘歷死亡輒轉沉疴呻吟殞殞今秋添孫稍喜病中聞子欲買蕭家巷第未決力督成之并請先歸料理余勸止竟以喪還嗚呼一昔愁城賴卿慰而今已矣作挽聯句云卅八年宦轍相隨久病沉沉猶資內助千餘里歸舟一艤新居草草就伴殘生二十八呈報回籍囑張子奇中丞咨都蕭家巷

在臨頓路內林元和縣衙南兩落七進上下樓房百十二間王仙根姓婚爲余以四千六百餘金得諸潘氏潘以前爲汪唐史氏閭雍正時契卷蓋百數十年故宅也

十年辛未六十六歲二月庭前玉蘭海棠盛開對之溉沃吳玉君茂才授柏齡讀老友王酉山爲余定丸方平望葆治姪卒二十四二十五程夫人治喪請馮景亭宮允題主或言黃楊濱葬大吉三月朔至木瀆訪景亭十二邀景亭偕虞延溪鍊師相地僉云黃楊濱無足取鴨頭澗衆水歸堂形止氣蓄去水亦得經所謂悠揚順我之意上地也距祖塋西北四丈餘按巽水乾龍立癸山丁向較艮坤尤勝再兼子午二度收貪巨式輔弼五吉可用勿疑或以酉戌煞方本年不利尼之景亭力主歲官交承權法遂定議余祭幕後至平望長田黎里盛澤江城同里南渭蘇家港油車港嘉善嘉興胥巷訪親舊還蘇

稍葺新居置家具有始訂年譜二十三爲鄉親有需時日懇

恩賜缺發奏摺五月端午日長至始刻東溪先贈公孤鴻編詩六月十一日接奉
諭旨禮部左侍郎殿北鋪委鄉親需時懇請開缺一摺殷兆鏞著准其開缺欽此
閩邸抄詢公薨逝八月門生吳廣菴刺史贈蘇州書局新刊資治通鑑畢氏
續通鑑陳氏明紀共百八十本重九子青招同許信臣中丞丈吳平齋觀察
俞蔭甫編脩何子永京卿拙政園登高十月鵝頭澗黃楊濟南渭祭墓至平
望長田十一冬至始祀宅左新祠訂族譜定後嗣自余曾孫輩起命名以傳
恭尚質雜長發典學通經乃日新爲序至平望鵝頭澗長田十二月初八程
夫人舉殯初九恭懸
安葬中爲

文宗顯皇帝御賜名正中正九如天保桂林一枝扁額十四至鵝頭澗二十來時

贈光祿大夫內閣學士兼禮部侍郎銜加四級先伯父棟香公

贈一品夫人先伯母柳夫人側室

欽旌節孝李宜人冢左則

贈光祿大夫禮部左侍郎加四級先考慈田公

贈一品夫人先妣李夫人家右則

贈光祿大夫禮部左侍郎加四級先本生考東溪公

贈一品夫人先本生妣趙夫人冢慈田公冢東少南爲余壽莊暨

贈一品夫人先室蔡繼室徐兩夫人

封一品夫人繼室程夫人冢東溪公冢西少南贈道銜

封朝議大夫藍翎教諭之弟

贈恭人弟誠凌恭人

誥封恭人繼弟婦王恭人家父西叔水弟炳家余壽莊東北祔殯男葆沖小家又東祔廢女璫笙選之廢女四姐小家八家皆斜向祖塋封環神道達於祖塋門內石羊虎馬之後二式夫婦舊殯墳屋西書房其繙室欲別擇地故未葬移殖東阡

十一年壬申六十七歲正月朔上香廉訪過蘇爲余係柏齡執柯聘故江蘇候補道歸安沈小悔吾孫孫女候選直隸州知州梅孫吾孫女十九張子青制軍招同何小宋中丞等搆政闢觀劇時座客有自皖來者言皖人十於余頗切去思二十五小宋招同許信臣何子貞薛慰農嚴瀨生小集作翁氏義莊對聯云舊德懷爲湖徵士全家宜祭社新祠發鶴市義田矣愧此開基二十六至二月初五往平望長田南渭鴨頭澗梨里歸作鴨頭灣神道記并吳丈悔陰繪圖勒諸碑厚堂壁二十五復往平望過葆澄姪見堂上藍田叔畫軒

余繼室徐夫人隨贈物也庚申亂後周仲山表弟得之以賙保澄之弟保治
彼此不知爲吾家故物也而無意中如歸趙璧益觸余黃門遺挂之感云至
長田鵝頭澗祭墓三月初一往油車港還蘇因蘇屬拔貢向例除府學吳縣
學外長洲元和一名吳江震澤一名常熟昭文一名崑山新陽一名呈請自

本科始每學名拔一名尋蒙奏准定三房輪流管祭產章程

日新堂般今將
祖道祭產江邑

東坡母三十一年四月六日除老改及附屋基一畝七分
二疋七毫新收基約二畝八分改丁工食約九畝九分八毫

實收租十六

畝七分一厘一毫又三分四厘四毫北富圩四十畝三厘公產震邑奎字圩
五畝九分五厘四毫以上共田六十畝三畝三寸九毫續置公產江邑菜字圩二十五畝八分
四厘一毫鑄字圩六畝六分霞色低字圩三畝九分東后圩八畝三分二厘
七毫拜字圩六畝五厘深房圩三畝四分一厘一毫樹字圩四畝三分五厘
六毫界字圩四畝一分北在圩一畝三分二厘元字圩七畝一毫金甲圩十

二畝一分八厘以上共田八十畝八分六毫兩共收租一百四十九畝一分二厘五毫俟
收工告竣自同治十二秋冬起仍照舊章福祿壽三房輪管議永遠立規條
如左 一公堂田房契單俱存輪記 一每年田租自七月初一日起至次
年六月三十日止所得花息及一切照例開銷俱歸輪管之房收發 一如
癸酉年收租應完癸酉年上下忙條銀及漕米務須年清年歛不得拖欠有
拖欠者罰停輪管一次 一如癸酉年收租應於次年甲戌清明十月朔兩
次祭東城坪先塋每次祭菜四席每席二湯二炒四乾果四鮮果四點心 檳子
一百隻米一斗酒十斤香七支燭七對楮九塊逢各房自備每位一千 祠后上肉二塊
約五斤鯉魚二尾鴨蛋六枚酌帶杯箸二十副香燭四個罩燈四對桌圍四
条椅披二十条及酒壺茶碗茶葉椅墊單毡等物每年禁脩小枝楊籬笆督
防坎丁研去蔓草 一後來續起墳墓各房自備祭享 一例外培上脩屋

種樹等事非每年皆有者三房擺派如爲數較鉅議派不果將田暫停輪收
充公濟用由公辦賦辦祭下年仍歸上年應輪之房接管 一輪收豐歉各
無異言裝塲等錢是冬收租之房給發唯遇全灾免賦則下年仍接管一次
一上屆租簿移交下屆仍將上屆佃欠載入下屆限由如還陳欠在六月
三十以前歸上屆收七月初一以後歸下屆收 一子孫如有盜賣祭田及
祠墓樹石器物或將祭田押借銀錢者凡屬同支不論長幼俱得鳴官究治
一日後如建義莊或將續置公產撥入屆時集議 一同族及三房公親
恤嫠恤孤等會由輪收祭田處支給七月初一日起次年六月三十止 一
奎字圩舊宅甚新造五閒日後租出其錢三房均分不入輪收如自己借住
或作机米局一體議租 一另有江邑亢字圩七畝四分東房圩十畝四分
長田圩除墳基一畝五分 實五畝七分二釐共田二十三畝五分二釐係靜夫公至

古愚公四世祭產老五房輪管上年完賦收租次年承祭長房日新堂該五

三

同治五年冬日新堂碑記收於通鑑

清明節祭菜一席

卷之三

鹽火雞全鴨不撒火腿大肉餅

櫻子一百隻米一斗酒二斤香五隻

燭九對椿六塊筭六千祠后土肉三塊約六斤鯉魚一尾鴨蛋六枚酌帶盃
箸酒壺茶葉香爐燭臺桌圍椅披拜墊及舟人吃魚肉等物同治十一年正
申六月兆鋪車子姓葆源葆鴻保澄保汾公議合同三紙給福祿壽三房分

給五月作嘉善程氏義莊對聯云宣欽湖家聲理學勳猷華胄長綿山斗派
山斗地名見
民氣烟云
魏塘留廟祀睦姻任恤義田不共海桑遷長洲王氏義莊對聯
云科第一門多公望公才秀水盛湖豪有自

梓輪三廟達爾田爾宅義復仁榮施無窮至平望鵝頭灣長田六月用西洋法自

照小像十九戌翻地震七月至平望長田黎里金澤與姊妹弟姪話別至鴨

卷之三

頑齋辭墓閱視新種墳樹以吳門住宅租與汪姓十九辰刻地震二十二李
薇生太守招同潘顧之汪秉齋集木蘭堂二十八申刻登舟吳式如丈葆鴻
姪同行次日過崑山三十七年前舊游地也作詩志感九月初二抵上海以
源兒久病未愈待至十四未刻上山東火輪船式如葆鴻返二十一到天津
二十五過北倉憇陳氏門首其塾師趙姓邀入小坐談及此間新起釐捐之
害前年有殷兆鏞者曾經疏奏其人不知何往矣余告以某在斯趙愕然下
拜二十七人都住江震會館二十九遞摺請

皇太后

皇上聖安十月初四

命仍在上書房行走初五遞謝

恩摺進

上書房時同直者童謐研少宰黃恕皆少宗伯章采南祭酒讀書者孚玉謨公

惠王徵貝勒初八尊上

慈安端裕皇太后

慈禧端祐皇太后徵號恭進如意二柄初十

長信門外鑒

慈禧端佑皇太后萬壽二十九遷居繩匠胡同新宅十一月與桑百齋司寇年二宋

雪帆閣學

年十七對誠三副歲

年十八萬鈞飭宗伯

年十六胡小遽總歲

年十五賀雲

甫少司寇年十六始爲七老會二十偕

弘德殿及

兩齋諸君

天壇侍班十二月十五季友蘭孝廉來授柏齡讀是月

癸譜經侍郎自定年譜

七十

賞頤字一道松掛一鑿帽綵一匣荷包三對又一個銀錠二錠貂皮二張手巾二
方鹿一羊一雞六挂麪十束柿餅關東糖自是每歲如之

十二年癸酉六十八歲元旦

慈甯門外

太知殿朝賀初二夜見新月

按聖朝存錄第二十卷有初二夜月詩時康熙四十年二月初六

賜福方四張各色朝十張湖筆十枝初七

乾清門外謝

賞春帖子恩初十

天壇侍班十四始服春裝未元宵第五孫女生二十發下

命書五件二十三繳過二十六

上親政受賀恭詣

慈寧門

太和殿行禮至惇王府賀濂公吉期二月初四七老會第四集初六始服羊腎

初二八

乾清宮侍班初九

慈甯宮恭上

慈安端裕康慶皇太后

慈禧端佑康頤皇太后徽號適如意行禮十一程夫人除喪二十二單飾相七旬

賜壽招陪

天使二十四發下

命書十四件二十六又發下八件均於翌日繳進三月初五

上奉

兩宮太后祇謁

東陵大臣於齊化門外送

駕三書房班次在王公之後六部九卿之前初七初八赴內閣發請

安摺十一燕郊接

駕十二齊化門接

皇上及

皇太后

皇后駕二十七老會第五集二十二

甯壽宮駕已初入座申正散二十三

乾清宮慶

皇上萬壽

留壽宮聽戲已初入座申正散

賜三鏹玉如意一柄玉山一座手爐一個白瓷花瓶一個袍褂料一福帽緣一匣
荷包一對四月初九七老會第六集十二

天壇侍班十九七老會第七集始刻齊莊中正堂試帖四月二十八
賞帽緣一匣紗袍褂一襲葛布六卷白紗二卷六月十八

命署長部左侍郎十九具摺謝

恩二十二加班奏事四件二十五奏事八件二十九加班奏事三件引

見二十八員閏六月初八同醇邸視朱桐軒相國疾初九朱相國薨東長安門外
堂考協領程特布等二十四員馬步箭二十三

命兼署工部右侍郎二十四具摺謝

恩二十五雲南全省肅清三十

授譜經侍郎自定年譜

乾清門外侍班七月初一奉

派勘

景陵妃園寢等處工程

純惠皇貴妃園寢裝設初八發下毓慶宮桶扇十三件

命書初十

東陵查工請

訓蒙

召見十二級進書件十六卯刻啓程通州尖燕郊宿十七棗林尖邦均宿十八馬

仲橋尖至馬蘭峪住天啓廟十九恭詣

昭西陵行禮

大紅門行禮帶領司員詣

純惠皇貴妃園寢

孝陵拜唐阿圖

景陵妃園寢

景陵拜唐阿圖端愍園寢查勘工程二十行二十條里至黃花山查勘築

親王園寢工程至深門宿二十一邦均尖三河縣城外宿二十二燕郊尖通

州宿二十三抵京二十五置

命詔神武門跪

安蒙

召見並以誠慶宮寫件蒙

黃幅緜江綢雙料袍褂謝

恩八月初五

派充_{普陀}吉地典工告祭后土司工之大臣同派者綿宜黃倬納仁共四人初八

假滿具指於

乾清宮跪

安十六午初啓程至通州宿十七夏店尖段家嶺宿十八薊州尖馬伸橋宿十九

至馬蘭峪崔家店二十謁

昭西陵及

大紅門行禮已刻告祭

舊祥峪后土司工之神午後啓程至石門宿二十二薊州尖段家嶺宿二十三夏店

尖通州宿二十三午刻抵京二十五覆

命詣

乾清宮請

安太常寺奏

溫告祭

司上

司工之神九月初三前往行禮初七奉

溫覆勑各省鄉試卷十二順天榜發源兒中式三十二名十三遞摺謝恩

乾清宮確頤源兒在

乾清門外行禮十八堂考副將田祖德等二十名三十源兒應

保和殿閱試十月初四奉

溫宿字國輶射初五至初九閱看馬箭地步箭技巧初十集辰字閱拜牌夜子

刻放榜取一百三十六名十二覆

殷譜經待郎自定年譜

七十四

命十七武爾揭曉十八

午門外奉武舉行禮發下

命書對聯繩扇十三件十九發下

命書三十一件奉

派覆勘

裕陵純惠皇貴妃閨寢二十三請

訓織造

命書聯繩扇

召見二十四奉

賞紫禁城駕馬二十六辰刻啓行通州尖燕郊宿是日卸署工部二十七礙林尖

邦均宿二十八棟門尖石門宿二十九至馬爾哈詣

昭西陵及

大紅門行禮查勘

裕陵純惠皇貴妃園寢鑿殿工程十一月初一抵京繳進

命書各件初五查工覆

命並謝

賞朝馬

恩十四覆勘山東山西河南陝甘鄉試卷覆

命十八奉

派丞脩

東陵大紅門工程二十三發下官件二十幅十一月初一織寫書件利六

賞柿餅初九八老會集桑百齋處十四

欽諭經傳此自定年譜而

發下圓式窗心一件命書十五奉

命調補吏部右侍郎十六謝

恩乾清門碰頭奉

命仍兼署兵部左侍郎並授奕詳奕謨讀十七謝署缺及授讀

恩十八

賞春帖子方福四張綢十張湖筆十枝十九

賞緞緝一匣袍掛一副二十

神武門叩頭二十四

午門外覆勘江浙等省鄉試卷二十六奉

命充

經筵講官二十七謝

恩

寫銀銀荷包一對朝皮二張手巾一方覆勘鄉試卷覆命二十八

乾清門外叩頭三十

貧荷包五個腰橘四十枚野雞二隻柿霜一匣稱粉一包蝦米一匣小籠普魯一

個

乾清門外叩頭

十三年甲戌六十九歲元旦

慈寧門外

太和殿朝賀是月初二夜見新月與去年今日同初六

天壇侍班二十九覆勘江西湖南廣東等省鄉試卷二月初三招叅白齋宋雪帆

萬萬船胡小蓮賀雲甫畢東屏作消寒會初四進書房

七十六

聖人堂待班

發下命書十七件初五覆勘試卷覆

命初七繳進書件十二

上幸北海十八

上幸承光殿等處二十一

上幸北海二十二

派閥各省舉人補覆試卷同派寶鋆毛昶熙董恂靈桂萬青黎采春榮魁齡溫葆
深黃倬徐桐夏同善十二人二十三

午門外朝房殿對各省鄉試卷筆蹟二十四

上啓鑾謁

西陵平則門九天廟送

鳳二十六

醫下命書六件三月初一黃新莊接
駕初二九天廟接

駕初四繳通書件又

醫下命書二十八張初七繳進二十二

貴南壽宮禮韻己正八座申正散二十三

乾清宮慶

皇上萬壽

貴南壽宮禮韻辰正入座申正散

第三鑑如意玉瓶瓷瓶手爐帽綠袍掛荷包二十五件冬空舉人補覆試卷二十

九陽宗室黃士覆試卷三十

殿講經侍郎自定年譜

七十七

乾清宮侍班四月初三

天壇侍班是日

御紫光閣覲見峨夷十三禮閣揭曉源兒中式二十九名十四遞摺謝

恩在

乾清門外行禮十八源兒應

保和殿覆試十九閣散館卷二十一源兒應

殿試二十二發下萬壽無疆賦三篇

命書二十五

太和殿傳臚行禮源兒二甲四十七名至長元吳會館爲新狀元陸潤庠主宴

二十八源兒應

朝考列一等二十一名

賞紗袍褂料幅綉葛布五月初七

乾清宮侍班初十奉

上諭殷源著爲翰林院庶吉士十一遞摺謝

恩在

神武門外僅頭

上幸圓明園十六轍進

勅書

萬壽無疆賦三幅六月初三

上幸綻園初六奉

命派於貢朝考閱卷大臣同派者寶鋆黃倬徐桐黃鉞共五人初七辰刻接到

欽命題目書寫刊刻文正發出初八晚至十二閱卷十三未刻出閑十四具摺覆

賡譜經侍郎自定年譜

命

乾清宮請

安二十移居台吉廠新宅二十九

乾清門侍班八月初二發下南苑寫件十六幅

命書初六繳進初七奉

上諭派管理馬館事務

聖人堂侍班初八爲孚邸撰楹聯云有亭臺有園史歷三朝寵遇退食優游且尋東第西園勝爲旦夕爲閨平兼七步才華中興潤色終是金楨玉榦人十

七

上幸北海十八

上幸南海二十一本

命派稽查京通十七倉大臣二十二

派各省武舉覆試大臣同派者孚玉 王毛昶熙崇綺宋晉徐桐何廷謙共八人

午刻赴武場閱看列字懶馬步箭晚宿心華寺二十三閱看技勇二十四覆

命授篆書知歸唐氏五妹於八月初四日戌時病故二十七

上幸南苑二十八同夏子松赴南苑藥王廟二十九歸河行宮侍班九月初三午

刻進城初四赴心華寺奉

命派宿宇園較射初五閱看馬箭地毯初六閱看地毯步箭是日

上還宮初七至初十閱看步箭技巧亥刻揭曉十一辰刻回家十二覆

命

乾清宮跪

安十七

天安門外堂考武職二十三發下

留壽宮寫件六幅二十四綴進寫件又發下十一件

命書三十

乾清門侍班十月初二

紫光閣率武進士演禮初三

紫光閣侍班

上御紫光閣閱武進士馬步箭初四

上御神箭亭閱武進士弓刀石規定甲第引

見鼎甲傳臚初五

太和殿傳臚行禮初六呈進大綴赴兵部會武宴初九

賞留壽宮騎射辰初入座酉初散初十

齊慈門慶

慈禧端佑康頤皇太后四旬萬壽恭遞如意

賞爾壽宮鸞戲辰初入座酉正散

賜三領如意銅瓶瓷瓶手爐檀線炮掛荷包十一

賞爾壽宮鸞戲辰初入座酉正散

上諭王公大臣及京外文武官員現有議降議調及以前有革職留任及降級罰
俸之案著加恩悉予豁免十五恭摺謝

恩十八以報效闢明園工程銀一千兩移獎子源五品銜孫杞齡溢生十九

東陵收工請

調二十一

上幸北海二十二辰刻啓程二十四至

欽諭經侍郎自定年普

十

東陵大紅門行禮收工

昭西陵行禮二十五驗收

孝陵拜唐阿圖等工畢二十九抵京三十覆

命並率同源兒謝捐輸移獎

恩十一月初一

聖躬欠安奉

旨各項引見暫撤聽傳初二

上出天花命廷臣穿蟒袍補褂十二日初三遞如意初十會同

欽派大臣鐵齡等揀選浙江四川山西廣東直隸江西副將參將都司等缺十四

奉

旨每日入直王大臣官員至明年二月十一日以前均著穿蟒袍補褂其各部

院衙具奏事件本章均著照常呈遞十五王公京外大小官員賞加二級十

二月初五酉刻

皇上寶天初七王公大學士六部九卿等奏諭懇

兩宮太后垂嚴聽政奉

諭旨不得已姑如所請俟嗣皇帝典學有成即行歸政本年十一月十五日

賞加二級撤銷初八赴內閣會議

嗣皇帝喪服日期初九公摺請三年之喪以日易月不許初十赴內閣會議三年
之喪仍請以日易月及醇親王求開差使摺十三公摺具奏十四赴內閣會
議

大行皇帝尊謚嗣號十五赴內閣會議

垂鑑事宜十六公摺奏

朕請擇時卽自定年譜頤

大行皇帝尊諡廟號十七赴內閣會議加上

列聖

列后尊諡十八會奏

垂策事宜恭上

大行皇帝尊諡廟號曰穆宗毅皇帝十九至署封印二十一恭送

梓宮奉移觀德殿行禮二十六會奏

列聖

列后尊諡

光緒元年乙亥年七十歲正月初二

觀德殿朝奠釋縞素初六赴內閣會議

兩宮太后徽號十六弔蔣鄉泉中丞之喪輓聯云百戰著勛名憶當年傾蓋在西冷

赤地湖山新洗甲九重深掉惜傷此日錄車朝北闕青天弓劍泣攀犧十九

至署開印二十

皇上登極詣

太和殿行禮二十二

觀德殿凡筵前恭頌

遺念石青江綢綿馬褂一件一藍江綢珠皮四開襖袍一件二十三公摺謝加一級

恩二十五曾奏恭上

兩宮皇太后徵號二月初五

觀德殿二滿月祭行禮初七

派充

實錄館副總裁官初九聯銜謝

殿譜經侍郎自定年譜

恩十四兵部主祭

關帝廟二十

嘉順皇后崩逝三十二詣

孝康門外行晡奠禮二十六

大行嘉順皇后梓宮奉移永思殿行禮三月初三恭上

穆宗毅皇帝尊謚詣

觀德殿行禮初三

尊謚頒詔在京文武大小官員各加一級初四公摺謝

恩初八內閣會議

大行嘉順皇后尊謚十一

觀德殿釋服行禮雜髮十二會奏

大行嘉廟皇后尊謚十八內閣會議

大行嘉廟皇后尊謚二十二會奏

孝哲毅皇后尊謚四月十三

召見十五奉

派考試試差擬題十六舉

派閱試差卷同派者毛利熙董恂賀慈彭久餘周壽昌黃倬縣宜徐樹黃鉅共
十人二十七

大考翰詹二十八奉

派閱卷同派者黃倬徐樹夏同善黃鉅何廷謙景其濬翁同龢共八人十二

永思殿恭上

孝哲毅皇后尊謚行禮典定花石橋卓宅二十四

恩詔經侍郎自定年譜

永思殿

孝哲毅皇后凡筵前百日行禮羅髮六月初五

觀德殿行禮初七

實錄館開館二十

永思殿行禮二十四公摺奏停

躬送

梓宮未允二十八

皇上萬壽聖節

乾清宮行禮七月初五

觀德殿行禮十二

慈安皇太后萬壽節

慈寧門外行禮十五中元節

觀德殿

水恩殿行禮十六階已十餘日爲數年所未有今日得雨始涼二十七吏部
述

旨題給殷柏齡等發生奉

旨依議八月初柏齡領到正二品蔭生執照初六奉

命允順天鄉試副考官正考官爲毛煦初刑科副考官徐陰軒桐崇文由綺未刻
入閣初七製定房分初八接到

欽頒四書及

御遺詩恭擬題目有德者必有言一章陳其宗器三句老吾老至可達於事賦得

爽氣朝來萬里清得秋字初九養經期初十拜發

殷賈郎侍郎自定年譜

八十一

安摺題箇轍

欽頤四書唐詩十一擬箇題經題刊刻子正發出十二刊刻策題十三拜發

安摺及二場題箇戊初進卷十四子初發策題十五在聚奎堂閱卷拜發

安摺及三場題箇十七發宗室題知者勤仁者靜賦得湖光搖碧山得摺字拜發

安摺及宗室題箇二十一呈遞宗室中卷七本二十發宗室榜二十三下午倣堂

二十四覆閱擬中卷窮十日之力將首場卷閔畢二十五至二十八閱二場

卷二十九至九月初五閱三場卷畢初六定中卷名次初七覆閱落卷初八

定草榜初九遞呈中卷十本并摺交至公堂明日遞十一定牘錄卷十二發

回各房落卷十三料理中卷驗錄十四場榜十五丑刻揭曉回家至花石橋

新宅知初十日第六孫女生十六歲

恩十八隨

鳳騎行至慈郊宿二十二至隆興寺

賞加隨僧加一級二十三謝

恩二十七未朝入城十月初一余七旬初度初四奉

旨殿宇閣較射申初至心翠寺初五看馬箭地毡初六始看步箭初八始看技勇

初十

慈禧皇太后萬壽策嚴字國行禮閱看技勇署亥刻發榜十一回家十二覆

命二十

寶錄館謝

賞榮獎銀兩恩十一月初四即兼著兵部任初十會同揀選督參游都等官十二

會同揀選督審等官十二月初一

殿講經侍郎自定年譜

賞柿餅初九京察過堂十六奉

派駿放左翼世職十九封印二十三辰時源兒病卒阿保體氣素強年來目疾時
發時愈九月寒喉症已痊癒遷居及余生日並合家多病事煩心亂漸形委
頓目疾復發點空青眼藥益甚服平肝疏散之劑亦不效或曰此虛症也投
以參耆丸地胸中作悶然猶勉強支撑不使余知月之十一日遂寢疾臥不
能仰食不能進大便閉結十六忽現斑疹醫云此食物及補藥積滯用大黃
芒硝便仍不下易以潤劑二十一申酉刻大便兩次醫云紙可進稀粥湯不
可投參丸是夕子刻厥逝余喚醒問之云方皆無田甫田章也神識澄清醫
者力言無虛二十二辰刻溘然逝矣聞初病時即向其婦子出不祥語余究
不知此何病耶爲何人何藥所誤有云冬瘡內陷疹發不出者近之病既夾
雜藥亦亂投以實厥生已矣何言二十三入殮二十四接三放篋口請假二

十月二十七

貢東轎柑子貂皮銀釦荷包手巾羊燭

二年丙子七十一歲正月初二

貢掛額十束初五恭鄉來慰云源兒病故

太后贈之惋惜並以鍼年老妻子傷心可知宜多休息幾天不必急於銷假初六醇
郎來慰初八復送來絕詩七律一章初十作絕聯歷半世艱難辛苦詞館纔
登玉旨忍違垂憐謝拋一家綵寡孤惄甫田罷謳塵緣空忝善書名二十一
開弔二十二出殯廣惠寺二十九假滿具摺請

安二月初五蒙

恩召見二十六

賜欽定勳平粵匪方略四百二十二卷共四十二函勳平捻匪方略三百二十二

殿講經侍郎自定年譜

八十六

卷共三十二兩二十八吏部公摺謝

恩引

見京察一等章京筆帖式共四十八排二百七十四員又二三等六十五歲以上
章京筆貼式五排十七員又

圈出一等章京筆帖式共十四排八十五員三月二十九

乾清門侍班四月初八奉

上諭調補戶部左侍郎兼管三庫事務初九具摺謝

恩十五到戶部任十七奉

命閱新貢士覆試卷同派者毛昶熙景廉賀壽慈彭久餘徐桐潘祖蔭翁同龢袁

保恒何廷謙烏拉喜崇阿共十一人十九奉

命散館卷同派者沈桂芬崇綺黃倬紹祺宜振周壽昌童鑾共八人二十奉

命殿試讀卷同派者沈桂芬毛昶熙魁齡潘祖蔭烏拉喜崇阿袁保恒周壽昌共

八人至

南書房擬題進呈赴內閣刊刻題紙二十一

保和殿行禮頒發題紙赴

文華殿住宿二十二讀卷三百二十四本二十三定一二三甲次第二十四進

呈十本

召見後帶領引

見至內閣填榜已刻回家二十五贊唱

太和殿率同新進士行禮二十六盤查外銀庫覆

命赴糧匹庫監放新進士繡譯進士表裡織大綏一百六十三匹紡絲三百二十

六匹二十八

貨物移寶地妙袍滑花機紗葛布二十九粧

命調朝考參同派毛利熙董恂萬青黎李鵠漢崇培齊偉烏拉齊崇阿襄保恒興

自閏童璽賀壽慈共十二人五月初一粧

派教習庶吉士滿教習爲秋評嚴初二謝

恩補武門外鑄頭錢壹內庫匱

命初三初四會同

欽派王大臣鑛匹庫鑛壹初八覆

命初九十二顏料庫鑛壹十四覆

命

召見十六奉

命閏考差卷同派者毛利熙董恂萬青黎彭久餘贊倬縣宜藩祖蔭烏拉齊崇阿

袁保領共十人六月初一赴翰林院到數習庶吉士任二十四課

賞

穆宗毅皇帝御纂文集一函詩集一函二十五以榮上

慈安純裕康慶昭和莊敬皇太后

慈納端佑康頤昭豫莊誠皇太后徵號

識錄稿宣讀

冊寶大學士等十六員充鑄興為二十六公摺謝

賞

穆宗毅皇帝詩文集恩二十八

乾清宮慶

皇上萬壽七月初一詣

殿誥經侍郎自定年譜

慈甯門演禮初三寅刻

慈甯宮捧宣讀寶崇上

兩宮皇太后徽號遞如意二柄初五以捧接

冊寶賞大卷八絲緞一匹大卷紅綢一匹大小荷包二對初六公摺謝

徵號恩詔京官文職四品以上各加一級初六庶常館開門大課十二

慈安皇太后四旬萬壽進如意一柄八月初二庶常館大課初六奉

命充順天鄉試副考官正考官魁華峯齡副考官兆礪及夏子松同善麟芝金言

未刻入閣初七掣定房分初八接到

欽照四書及佩文韻府恭擬題目繕就刊刻子正發出題紙一萬三千張抑爲之

不厭三句是故居上不職四句禹稷當平世一節賦得秋風起兮白雲飛得

辭字初九擬經題初十拜發

安僧翻浦殿送四書館府十一刊刻二場題文正發出十二刻第題十三拜發
安僧及二場題浦上堂閱卷十四子初發策題十五擬宗室題十六拜發

安僧及三場題第賓正發宗室題期月而已可也三年有感賦得恩賢如渴得如
字十七拜發

寄僧及宗室題第二十一題呈宗室中卷六本二十二發宗室榜二十三徵堂二
十五徵閱擬中之卷二十二至二十八閱二場題二十九至九月初三閱三
場題初四道呈前十卷正副榜卷發房初五道幕初六料理正副榜齊錄
卷初七道收榜發回各房落卷初八料理正副榜謹錄卷署初九道榜初十
子正副榜題正抵案十一置

命三十奉

命武

續錄題序自定年譜四

八十九

殿試讀卷在刑部朝房擬題進呈

欽定赴內閣刊刻十月初一詣

太和殿丹墀下率同中式武舉一百十五人行禮散給題紙初一己刻回家初

三覆

命初四內閣填寫武進士甲第初五

太和殿傳臘率同武進士行禮初八發大課名次共二十三卷發十月大課題

初十

獻鵝皇太后萬壽詣

獻常門外行禮二十八

寶鏡館恭摺謝

賞紫宸銀兩恩十一月初三發回大課卷二十四本初五奉

銀考驗監生擬題

景巡內侍班初六

貢補餌二十一

貢朝鮮鴨料二十七家

貢平金側包一對押盒一小鏡細皮一張手巾一方二十八

乾清門外辦

恩又

貢羊爐樹麪二十九

貢普羅三十

貢佛包二對另一副

三年丁丑七十二歲元月

慈甯門外

乾清門外行禮二十二奉

誠充會試知貢舉同派者烏達峯拉喜崇阿二月初八往視孚邸疾申刻薨逝初九同微研焚臣往哭十四卯刻入闈十五覆試外省舉人一千一百七十九名十八午刻出闈十九知貢舉覆

命二十三發還大課卷三十五卷二十五至孚邸靈前供奠三月初一

乾清門侍班庶常館大課是日釋服初六己刻入闈鈐用頭場試卷關防初七印頭場坐號初八入場舉子六千六百三十一名鈐用二場試卷關防子刻發題紙初九印二場坐號初十寅刻淨場貼出十八名十一鈐用三場試卷關防亥刻發題紙十二印三場坐號十三丑刻淨場貼出五名進內廳卷十四夜子刻發題紙十五印宗室卷坐號十六子刻淨場貼出四名又禮部文

書扣三名共選內庫卷六千五百八十二名十七宗室人場舉子二十六名
亥刻淨場二十發宗室榜四月初六第三房同考官王炳因病先行出閣一
而奏聞連日閑中閱底常大課卷六十五名十一填榜十二揭曉卯刻回家

十三覆

命十六覆試新貢士奉

派擬題十七奉

派閱新貢士覆試卷同派者沈桂芬彭久餘崇綺徐桐綿宜潘祖蔭童華紹祺袁
保恒蔣書宜擬共十二人十八

召見散館點名同毛利熙等恭詣

太廟相瘦二十五號引

太和殿行禮察看

殿誥經侍郎自定年譜

殿試卷標識二十七察看擇識覆

命帶領

恩賞編檢學正之年老舉人類子中等三十六名謝

恩二十八

賞緜緝芝地紗雙袍料紗葛二十九奉

派閱新進士朝考卷同派者毛昶熙董恂萬青藜全慶崇綺徐桐潘祖蔭錢寶廉

臣聞章華五月初一

養心殿謝

賞袍褂恩十一赴內閣會議

太廟事宜六月初三奉

派覆勘各省優拔貢卷初五覆

命十一接家書葆鴻姪於五月二十五病故十四會奏

太廟升祔事宜十九奉

派閥優貢生朝考卷同派者全慶潘祖陰錢寶廉崑崙童華共六人二十六

乾清宮先期慶

皇上萬壽聖節遞如意菜

賞還七月利六

寶錄館奏進呈蒙古字黃綾本十二

慈安皇太后萬壽

慈甯門外行禮遞如意菜

賞還二十六

召見

欽諭經侍郎自定年譜

實錄館奏事一次九月初二

實錄館以漢字黃綾本進呈過半奏請獎敍二十七

實錄館奏獎勵二十九

實錄館代奏提調等官謝獎勵

恩十月初一余七十二初度病不見客初九

慈納皇太后萬壽遞如意因感冒未與行禮十五奉

派考試陰生擬題二十

實錄館奏謝

賞煤炭恩二十七同內務府大臣赴

太和殿西廊下北皮庫挑驗黑龍江進到貂皮三千六百一十八張十一月初

十奉

派揀選副將等缺十二月初五奉

派同潘祖陰謹書

派考試學正學錄並考賸錄閱卷大臣未初入閣初六奉到

欽頒書籍擬題學正學錄題雖愚必明二句庶續成熙策謄錄題君子不可小知

而可大受也論師出以律策初七初八閱卷初十發招覆案取學正學錄四

十二員謄錄二百九十二員十一覆試學正學錄四十一員謄錄二百九十一員未刻回家十二覆

命

黃炳鮮十五道呈考取學正學錄名單請

閱十六號

賞額字二十

賞緞綵袍褂黃米餅二十八

乾清門侍班連日蒙

賞銀錢大荷包貂皮手巾羊雉挂麪詣

中左門內叩頭三十

賞錄館謝貨履鹿果品恩

賞荷包五個

四年戊寅七十三歲元旦

慈甯門外行禮

太和殿行禮初二

賞湖筆十枝飴方十張絹箋二十疋張橙橘三十三枚初三

神武門謝

賞春帖子恩三月十九至廣惠寺爲源兒撤几唪經二十九

乾清門侍班四月十九爲柏齡納幣二十一柏齡娶婦沈氏二十六會同禮親

王等鑿查外銀庫完二十七覆

命二十八

賞帽綢紗卽掛紗葛五月初二柏齡赴吏部驗到十四

召見六月初九

欽選門侍班十一赴三庫廳揀選筆帖式庫使二十六

乾清宮先期慶

皇上萬壽行後七月十二

慈安皇太后萬壽聖節恭詣

長信門外行禮八月初十柏齡考試蔭生列一等二名十五柏齡赴內閣驗看

欽賜臣等自定年譜

十六柏齡奉

旨內用十七具摺率同柏齡謝

恩二十柏齡簽分刑部分河南司行走九月二十四淀孫女許字太倉陸編脩寶

忠子乙亥順天所取士也十月初十

慈禧皇太后萬壽聖節恭詣

慈甯門外行禮十四

召見十一月十九奉

命兼署吏部左侍郎二十具摺謝

恩二十四恭邸贈榮道鑒集二十六午刻到吏部署缺十二月初七戶部京察實

缺人員過堂初八三庫京察過堂戶部京察候補人員過堂初九吏部京察

過堂十六

賞福字十九

賞帽絲線綢袍褂二十三

賞黃米粉二十四吏都過堂二十七

乾清門侍班

賞銀錢荷包貂皮手巾中左門謝

恩二十八

賞羊羔挂鬚普羅

五年己卯年七十四歲元旦

慈甯門

太和殿行轂

賞荷包五個初七

賞柑橘百枚

乾清門侍班十四

賞湖筆福方各色絹十五

神武門謝

賞春帖子恩二十三奉

命調補禮部右侍郎仍在上書房行走二十五具摺謝調補
恩至

養心殿碰頭二月初一詣

天壇看牲初二到禮部右侍郎任禮部奏派奉安啓鑿後留署辦事之掌官奉
硃筆圈出初九始行按摩法十一十三二十七詣

天壇祝牲二十六始用艾絨肉桂護膝三月十七

天壇祝釐十八

命寫心經十九級追二十一朝陽門外大橋送

鸞鳳帶轎都印鑄二十三

天壇看牲二十四赴內閣發請

安摺二十五

先服壇祝釐豆二十八

天壇看牲二十九具摺辭加級

恩朝陽門外新橋接

鸞閣三月初一

大清門外跪迎

穆宗毅皇帝祔牌升祔

慶賀歷歲除自定年號

太廟初三迎接

升祔恩詔十四遞請

駕職名十八二十八

天壇看牲四月二十九

賞帽緝紗袍褂紗葛三十

召見長曾孫女生本月初四日本國參贊田邊太致總理衙門函稱有敝友竹添
進一因公到京夙仰殷尚書張太史名欲登龍門未由介紹求爲代達請謁
等語張太史者司業之洞也總理衙門於初七日具奏報

聞今日來謁以所著機雲錄兩日記二本詩草一本爲贊素綾一幅求書拙作語
旨不甚通曉用筆談云竹添其姓通稱進一名光鴻字漸卿號井井年三十
九歲前十餘年在海外讀余論夷情疏以爲中國有人初九始治國疾十二

訪竹添道一未值留信爲寫詩二幅送伊齊莊中正堂集一函十九竹添道
一來六月初九撰李小香學士詩序初十撰程紫垣司馬墓誌二十五

甯壽宮聽戲辰初入座未正散二十六

乾清宮豫行朝賀

皇上萬壽

甯壽宮聽戲辰初入座未正散

寶鏡玉如意一柄緞線一疋江綢袍褂一幅荷包二對祭紅瓶一銅手爐一洋燈

香盆一

貢廡呈遞如意二十八

天壇香牲二十九

乾清門內侍班十二

欽定四庫全書卷之三

慈安皇太后萬壽聖節丑刻引表辰刻

長信門外行禮十八

召見八月初四

天壇看牲初六奉

命允順天鄉試副考官正考官徐蔭軒相副考官志春浦和錢湘吟賈未正入

歸初七分房掣簽初八奉到

欽頒書本恭擬題目

刊印一萬四千紙子初發出初十拜發

安摺題箇並摺書籍定經題策題十一亥刻發二場題十二拜發

安摺題箇十四上堂閉卷亥刻發題紙十六拜發

安摺題箇擬宗室題十七拜發

安摺宗室題第並繳齊籍二十拜發

安摺達呈宗室中卷五本二十五撤堂二十六至九月初一閱二場卷初一至初

三閱三場卷初四檢點中卷落卷初五定謄錄卷初六批進呈十卷初七檢

閱開墨刻本初八覆查落卷初九進呈前十卷十一定中卷名次加批十二
增寫草榜十三填寫卷面名次十四填榜十五子刻揭曉辰初回家十六覆
命赴順天府鹿鳴宴賀全中堂重宴鹿鳴十九

召見二十八

天壇晉牲三十

乾清門侍班十月初十

慈禧皇太后萬壽聖節

長信門外行禮二十四

朕諭諭代郎自定下書面

實錄館謝

賞柴炭銀兩疋二十五

實錄館全書完竣十一月十一

乾清門進冬至賀表十六初演

實錄告成禮節二十二江淮等屬蠲緩錢糧謝

恩

實錄館二次演禮二十四恭進

實錄

聖訓至保和殿二十五

上御保和殿受壽太和殿受賀奉

上諭殷兆鏞之係刑部額外主事殷柏齡著賞給舉人一體會試飲此二十六具

摺奏同柏翰謝

恩二十八

神武門鑄頭三十赴內閣會議峨國通商分界事宜十二月初七至總理衙門

同往峨國公館拜年初八赴內閣會議定稿初十覆奏

召見四十五人批諭與為十四赴內閣閱看摺奏三十七件十六

賞福字十七謝

恩赴總理衙門會議十八

賞福字廿六赴禮部大演隆慶舞二十四

賞湖筆兩方朝鑾二十五

寶鏡館奉保舉摺片二十六代奏謝

恩赴總理衙門會議并遞設帖二十七

殿期經待歸自定年譜

賞銀鑲荷包貂皮手巾至中左門內碰頭三十

賞大小荷包羊鍊挂繩

乾清門外碰頭

六年庚辰七十五歲元旦

慈甯門外行禮

太和殿前行禮初三覆奏會議俄夷約章初五

天壇看牲十七赴內閣會議防務及崇厚罪名二十一會奏俄事一摺一片
賞橘七十枚二十三會議崇厚罪名擬斬監候二月初三定孫女受聘初八遞封

奏保薦人才

天壇看牲十三定孫女出嫁十四赴

上諭館考試漢蔭生五員同派烏拉喜崇阿許應駿閱卷十五覆

命十六陞伯夔仇鑑同門二十一赴

實錄殿成宴於禮部二十二辦

恩二十三

天壇香牲二十四奉

國子監舉人補徵試卷同派者沈桂芬景廉徐桐董恂童華麟齊烏拉喜崇阿松綠

邵亨豫奎潤錢寶慶共十二人三月初四初八俱赴內閣會議俄事條約柏

翰始廳會試二十卷達

實錄

擇調至保和殿乾清宮頤親

賞爲一匹銀四十兩四月十四赴部陪會試總裁等下馬宴十六覆試新貢士點

名十七奉

殿講經待郎自定年歲圖

一百

派閥新貢上覆試卷同派者李鴻藻董恂徐桐童華轉書烏拉喜崇阿宜振松森

邵亨豫錫珍孫詒經共十二人二十一

殿試點名二十四卷

命轉補禮部左侍郎二十五具摺謝

恩宮門請駕

上御太和殿傳臘行禮到禮左任二十七赴禮部恩榮宴二十七

午門前監放新進表裏二十八

賞亮紗袍褂料杭緯花機綵葛布五月十四內閣會議英法國使臣請釋放崇厚

事十六覆奏六月二十三辰巳間地震夜有小蛇蟠飛集城內如雨二十五

雷壽宮聽戲辰初入座未正散二十六

乾清宮豫慶

皇上萬壽過如意

甯壽宮聽戲辰初入座未正散

賞鑲玉如意帽緣江綢袍褂荷包藍花版銅手爐鍍金香盒三十

乾清門侍班七月十二

慈安皇太后萬壽節丑刻引表辰刻

長信門外行禮十四大曾孫女生十七

景運門內侍班二十八丑初赴

寶錄館朝服行禮恭送

寶錄

聖訓算藏皇史宬八月十九夕月壇視幾豆二十內閣會議俄羅斯事二十四覆奏

九月初三

殿講經侍郎自定年譜

夫安門朝審十五

天壇看牲二十二候時請

駕朝陽門外大橋跪送

聖容冊寶寶錄鑑調玉牒往盛京二十三奉

派擬試武進士赴東安門內正白旗侍衛教場二十四覆

命十月初三

派同鄉寧豫吳 考試恩監生午刻入閣初四發題紙閱卷初五年刻發團榜

招覆十四名初六覆試畢出閣初七覆

命初十

慈禧皇太后萬壽

長信門外行轍十一月初五朝陽門外迎接回京

冊寶十二月初八

貢柿餅十六

賞綢字

善心設謝

恩十九

賞帽緯角褂二十二至總理衙門同往俄羅斯館賀年領到領
賞實錄館臣幹辦和料一件表裡六分一十七

賞銀繡荷包貂皮手巾二十八

賞羊羔挂麪機左門內謝

恩

乾清門內侍班三十

貧大小荷包在

乾清門外謝

恩是日辰刻沈經笙卒即往哭之

七年辛巳七十六歲元旦寅刻引表辰初

長信門外行禮辰正

太和殿前行禮初五

賞春帖子初七

天壇看牲初十至總理衙門受各國公使拜年十一

賞橘四十枚二十四

諭祭沈經笙協揆二月初三初七

天壇看牲十二申刻第六孫女死名福官埋於誼園十九

天壇看牲三月初一初五

天壇視牲初十戌初

慈安皇太后升遐十二至十八齊集行朝奠午奠禮十九啓奠朝奠齊集二十送

梓宮奉移觀德殿二十六

觀德殿初祭行禮二十八

大祭行禮四月初十

觀德殿初滿月祭行禮五月初十

觀德殿二滿月齊集十三

觀德殿上尊謚行禮六月彗星昏出西北曉沒東北至七月下浣滅初十

觀德殿三滿月祭齊集十九

觀德殿齊集行百日禮二十五公摺請

皇太后大安二十六

乾清宮朝賀

皇上崩壽三十

乾清門侍班初十

銳德殿四滿月祭行禮十五

銳德殿請駕候時十七

景運門侍班二十七又一彗星現西北七月初十

銳德殿滿月祭行禮十八醉王爲余題照八月初二

天安門秋審初三朝審初四初六

天壇看牲初七第三曾孫女生初八

天壇看牲初十

觀音院十月祭事錄二十三

天壇獻牲二十八赴

上殿館酒同查御賈試奉膳方正九月初九于役閱內卷辦

奉貞廟皇后永安大禮柏齡隨從寶劍啓行十二抵陸續寺十三至十六住

裕陵大圖行釋迦迦葉十七行

永安殿寶林報恩長劍脊程十九奉朝服家二十公摺請

安並謝加二級

恩二十一東華門碰頭二十五謝

十謝加級恩二十八

天壇香牲三十

乾清門侍衛十月初十

致謝經管事自定年譜

乾清門引表

慈甯門外賀

皇太后萬壽二十七遞請

駕候時駕名

孝貞顯皇后冊寶尊藏

太廟

上親詣行禮十一月初三

乾清門進表十二月初一奉

誠驗放初三京察過堂初五具摺請假十日十五遞摺續假十日十八次曾孫女

殯二十五遞領想開缺摺奉

上諭殷兆鑄奏病仍未痊摺請開缺一摺摺部左侍郎殷兆鑄著准其開缺調理

欽定二十六編制詩

卷二十七

重陽節偶包韌皮手巾羊蠟挂麪

八年壬午七十七歲三月二十四懸江霞會館風對四月初一惠王招同醇王
調公開公宴集餞行初三醇王送詩來初八謾公招同醇王惠王澤公宴集
餞行十六醇王招同惠王謾公何貝勒澤公再集餞用秦西法照四人小像
十八醇王送詩來二十醇王送畫照來贈櫻桃杏子二十四送醇王詩函五
月初七送醇王詩函二十二醇王送畫贊來二十五惠王字來送詩六月初
二謾公字來送詩十六送醇王字謝書宏才上壽堂額十八醇王送詩來七
月十二醇王字來斷詩連日王公大臣親友門生送行收拾行李十三源兒
靈柩下通州十九己刻啓行出東便門費芸炳汪柳門周鵠亭黃子眉在三

忠祠設餞芸舫賦詩四律抵通州已日暮王公各差人舟次送菜二十下午
解維二十三泊天津八月初一過滄州初六過德州十一抵臨清十三過東
昌十八入黃河二十一抵濟甯二十四入江蘇沛縣境二十五見彗星現東
北方長二丈二十七至邳州境九月初一過天妃廟午刻抵清江浦初五泊
揚州初六泊鎮江十一抵蘇州胥門馬頭至仙根處下榻十四進宅十八源
兒靈柩送往鴨頭灣塋旁二十四太白晝現十月十四同柏齡回平望下榻
式如表叔處十六鴨頭灣掃墓十八長田掃墓十九回吳門十一月校白著
詩

九年癸未七十八歲二月初九柏齡會試登舟十七聞費吉甫中風遣人問之
二十四柏齡電信來云二十三到天津是日費吉甫故二十七同杞齡登舟
晚泊吳江二十八清明長田掃墓二十九鴨頭灣掃墓三月初一回蘇十一

以後溫經書漢書古文二十五潘顥之招同蔣斗楣

清嘉八
十四歲

朱兆杓

十六歲
七

蔣心香

十八歲
十歲

蔣輝香

十九歲
十三歲

小集諸君皆余同案入學

朱兆杓

則余丙戌同

案如岡名壽朋之子也柏齡趙遵姊婿同考官陸寶忠於戊刻回家四月十

九先繼室程夫人七十冥壽在獅林寺尋輕李辛垞來診疾十九以後校松

陵詩徵溫理各書如故五月十六以後校家譜及自著詩六月初七後復校

詩徵二十四後閱詩鈔文鈔府志七月初七後續松陵詩徵八月十六沈麟

氏來診脈十九李辛垞寄到湯丸方二十四介眉仙根來執柯爲杞齡文定

同邑任氏前鳳類道閩生女二十九邀鮑竹生觀疾

先祖考宗伯公自成進士入詞垣歷典文衡督秩鄉貳受

九重之特知威

諸邸之寵異值

上齋三十年夙興夜寐無

間寒暑光緒辛巳年以精力就衰由禮部左侍郎致仕養疴時

年七十有六暇從藥爐丹籠之旁手校生平著作成齊莊中正

堂集若干卷觀示剞劂時癸未歲也

柏齡在籍侍養

柏齡在學

讀書以爲公之孜孜忘倦必享鑿期何意是年暮秋遽爾棄養

遂使抱恨重天何嗟及矣惟捧手澤互相砥礪求告慰於在天

之靈

柏齡

後入京供職趨朝之暇即同錄所遺年譜旌丁母

憂繼遭庚子之變倉卒負奔謫謫孝思迄今二十有八年矣今

者柏齡服官河南而祀齡筮仕江西不獲同堂共事疚歎益深
固不敢望西銘所謂知化窮神爲善繼述而於不愧屋漏存心
養性則不敢不勉焉茲謹將先所鈔出年譜兩卷亟付手民至
若奏疏等篇尙俟裒纂非敢緩也將有待也嗟嗟清芬未遠故
忘繩武之心手澤猶存永作翫遺之謂敬謹追述即以跡子子
孫孫仰承餘慶之有所自也

孫柏齡謹記

书名
正文